

東
華
續
錄

東華續錄

光緒一百七十九

臣朱壽朋敬編

臣章圭璋恭校

三月丙辰朔日有食之○諭軍機大臣等有人奏參知州譚盜縱役貪劣多端請飭查辦等語據榘安徽六安直隸州知州陳先觀請案堂規延擱盜案縱容家丁苛役迫賊分贓誣斃人命並胞弟陳世展得賄縱兇等情著請緝獲按照所參各節確切查明據實參奏毋稍徇隱原片並著鈔給閱看將此通諭知之○諭軍機大臣等有人奏直隸宣化鎮總兵何乘榮縱匪肆掠營務廢弛以致強劫之案層見疊出所屬一帶土匪任意擾害該鎮捏報肅清朦保多名誤疑村民窩匪燒燬民房殺斃多命賊首派充馬勇兵匪合而爲一請旨飭查等語著袁世凱按照所參各節認真確查據實參奏毋稍徇隱原片著鈔給閱看將此諭令知之○丁巳諭欽天監奏觀候日蝕一摺內 廟諱並未敬避該衙門堂司各官均著交部議處○戊午岑春煊奏智國惟學富國惟商而民之性有不近乎學商之力有必需乎物所以銷納豫備之者工也百年以來泰西諸邦之所以藉實業以進增其理想藉製造以橫絕其懋遷者亦工也其誠中國而有欣羨之意推崇之意亦曰物產之豐民質之巧可以工卽可以智卽可以富而就今日中國以論乎勸

工之急然自其高遠者言之固將以擴誠固將以開源而自其切近者言之實所以養民實所以靖亂則工也者固今中國普通之所當務而以四川生材之衆生人之衆苟非急務乎工則其材之衆者既廢之久而歸於腐朽而人之衆者亦游之久而轉爲盜賊自到任以來每歷衢市未嘗不幸其民之廣而時見其懸疔枯槁衣袴不完往往羣聚而游於市者尤不敢不惻惻以憐其窮而累累於不教不養之無以警其後當卽札委成都府知府沈秉堃速覓土地創立工局旋據該府稟稱查有寶川局附近官地可以修建卽飭督工撥款於去年冬月初三日動工本年正月初七日落成卽於次日親往驗工總爲地十畝爲屋一百二十餘間統名之爲四川通省勸工局而區其內爲四一曰工藝廠專以加精四川已有之工藝擴充四川未有之工藝其宗旨主於教工以養民一曰遷善所專以拘留輕罪人犯督以粗淺之工藝使其可以自存不復爲不肖其宗旨主乎厲工一曰副廠專以收納窮民遊民教以尋常可存活之工藝其宗旨主乎教工以遷善一曰養病院則以療養本局之有病者而凡儲貨發貨售貨列貨之所工棚食堂鹽漏之所皆備凡可容八百人共爲費六千九百餘兩平均學徒及遷善者更番之數每四月一卒業計歲可教二千四百人並該府擬呈勸工局章程七條復加研駁尙屬詳備有條已令擇日開局歲需經費將來工藝有成可卽以其惠支給先於官運局暫行借撥萬金俾得開辦惟念倡辦之始其規模既

稍近乎大其綜覈必加致其詳而求勸督並用之術尤必嚴懲兼備之才前已檄委沈秉堃總辦局務而該員現因駐渝日本領事商請派員親往該國博覽商會業已附奏派令該員赴東必秋中乃能返蜀一時難得代爲總辦之人現擬先就遷習所副廠試行開辦一面飭令該府選派本地靈巧匠數人赴東研究東洋可學有利之工藝並於歸途招僱東南能以新法製造工匠數人及擇購機器數種回川其時始開工藝廠一則由淺而深以漸開斯民之智一則待人而舉以徐圖組織之效微臣非贊仰辱天恩畀之鉅任時懼無以自盡其萬一之職竊爲四川本京之計非開辦警察無以戢民之不致爲亂而非勸興工藝亦無以養民使自不爲亂故於二者雖不敢確操成算而亦不敢稍以爲緩圖得旨知道了著卽認真辦理以期教養有成單併發○己未兩○荊州將軍繼祿卒予祭葬卹銀賞其子知府榮華以道員用○諭榮祿奏病久未痊懇恩暫解樞務一摺覽奏實深廬系該大學士翊贊樞機公忠懋著現在整興庶政倚畀方殷著安心調理毋庸開去軍機大臣差使並不必拘定假期一俟病痊卽行入直○庚申上御乾清宮德慶使臣萬壽士偕同巴宴國祿親王戈親王覲見○諭朕欽奉慈福端佑康頤昭豫莊誠壽恭欽獻崇熙皇太后懿旨現在時事艱難民情困苦常在朝廷慮念之中此次祇謁西陵興修鐵路以省地方供億之繁前已剴切曉諭所有辦理一切均准作正開銷不得絲毫擾累民間茲再重申

禁諭地方官不准藉差攤派卽平日抽收雜稅等項亦不准苛及民間食用微物如有不肖官吏從中弊混著袁世凱隨時嚴查懲辦其隨屬官員人等並無庸地方供給倘有冒名藉端滋鬧無論何人立即究辦爾大小在事臣工當仰體朝廷軫恤民艱力崇節儉悉戒虛糜之至意○袁世凱奏 於本月二十七日業將馳赴新易一帶驗收路工緣由並由津起程日期繕摺奏報在案隨於是日乘坐火車駛抵新城縣屬之高碑店卽由高碑店起駛入新修支路直達易州之良谷莊沿途逐段悉心勘驗計由高碑店至涑水二十七里山涑水至易州三十四里由易州至良谷莊十七里各設車站一所共計軌路縣長七十八里地段一律坦平長橋亦尙穩便惟期限太迫不及修建鐵橋且新造之路土性較鬆必須往復墊壓方能十分堅結現在行車尙未敢過於過速此七十八里約行六刻鐘之譜臣查此項工程前奉 諭旨本限六個月報竣今僅四月卽已完工所需款項不過六十萬兩況當上年動工之始正值隆冬天氣冰凝寒洑營造尤屬不易賴在工各員役勤奮趨事辦理尙迅速而用費亦核實撙節下部知之○信恪等奏安徽太平府屬萬頃湖地方分隸當塗蕪湖兩縣轄境 國初以來仰蒙 諭旨撥爲旗營牧場其地中爲湖心旁爲陸地當年湖身寬大可供瀦蓄近來淤墊日高秋冬已成洲澤咸豐軍興以來馬羣既空早成廢壤自荆防填撥來寧頗爲稍稍規復但江甯城外本有牧地兩區足供芻牧而萬頃湖陸路距

寧遠在二百里外往返艱難牧養非便卽勉令前往而兵民雜處時起訟端又自克復以來流民私墾日多佔耕薄壤雖經歷任將軍檄行府縣驅逐但慮兩縣之交此去彼來實文告所難禁遏且地屬旗營亦非有司所能轄治若不早爲整飭則盜賊窩聚異教潛滋在在可慮奴才信恪到任後查悉寧京兩防除領催前鋒甲兵外其婦女暨孤寡各項共五千七百餘口步甲養育閒散幼丁共一千四百八十餘名其中雖有撫恤孤寡銀兩及小甲匠役口糧但爲數無多不敷養贍將來生聚日衆勢必饑饉堪虞當與臣之洞再四熟商以八旗艱窘若此萬頃湖又荒落若彼因勢利導不如將牧場改爲屯田專設屯員妥爲經理當派二品銜遇缺簡放江蘇補用道徐廣陞會同鑲紅旗佐領福安等前往勘度現據勘明測繪具覆前來據稱該場東西約二十里南北約十九里地勢東北較低西南較高以方積計之約可開田十六萬數千頃內除開挖溝渠增置塘堰加築堤岸陡門以消納來去積水約除地六萬畝外實可開水田十萬餘畝其辦法約分三等一流民佔耕已熟之田飭令開明四至勘丈相符每畝飭繳押租銀三圓每年仍認繳麥租錢百文租穀一斗准其補給糧照免追歷年私墾花恩作爲承租之產名曰佃民一未墾荒地民間承認領耕者准其籌設公司呈繳押租銀兩及按年認繳前項租穀租錢開明四至畝數勘丈無誤亦一體准給承租糧照亦曰佃民惟開荒需費准領耕後第一年免租第二年繳租之半第三年再繳

全租一留備旗民墾耕之田應先召佃官給牛隻籽種令其墾荒其麥租穀租視民間收租之法或各半分租或每畝收租穀一石春麥雜糧八斗但取用的保免繳押租名曰官佃似此長年計算三年之後約可得租銀二三萬兩以之分卹孤寡沛然有餘其未墾成熟以前所有全湖肥草蘆柴卽由屯員隨時變價以充局用之不足開墾有效卽於該處設立墾務學堂一區凡八旗餘丁年十二歲以上發屯學習農務俟其精強由官田之內每丁撥給田二十畝令自耕植每年與承租佃民一體納租穀一斗租錢百文免繳押租以示體恤惟歸屯之後應歸屯員及地方官約束與平民一律編戶遇有爭訟悉照民例辦理成丁以後有情願入屯者聽之仍當欽遵近日諭旨准與漢人聯姻以收睦姻任恤之利其勤儉之人積有資財自願購置民田與民人一律納糧辦賦亦聽爲之惟開辦之始堤墾陡門牛隻籽種等費約需銀四五萬兩旗營無款可籌擬請由江甯藩司預借光緒二十四年官兵馬乾銀一年解赴奴才衙門兌收濟用仍由該司於三十一二三四等年分四年扣完所扣乾銀仍由每年所收屯租按數歸補湊放又於駐防城內增設武備工藝學堂亦於閒散幼丁內擇年十二歲以上者發堂學習攻木攻金之學先識漢字繼習測算工藝俟其有成咨送督臣轉發製造局加習製造鑄鐵之法入堂入局之後卽歸堂員司員管束其有學藝已成願以工藝備趁及自設木肆鐵肆銅肆出外營生者亦聽之惟出防之後亦交地

方官就近編戶管束與民人一體辦理其戶丁仍歸佐領彙造但駐防爲東南重鎮兵事又不可偏廢大
致長丁爲兵挑補甲缺次丁三丁爲工爲農使就生業似此則兵額既充閒散無須接育得 旨如所請
行○辛酉 上諭 大高殿報謝○以聯芳署外務部左侍郎顧肇新署外務部右侍郎○壬戌閩浙總
督許應駟解任○癸亥寅刻祭 先農壇 上親詣行禮辰刻 上奉 慈禧端佑康頤昭豫莊誠壽恭
欽獻崇熙皇太后啟鑾祇謁 西陵○以錫良爲閩浙總督○安徽巡撫聶緝燾乞假省親允之以聯魁
哲謨安徽巡撫○乙丑諭朕欽奉 慈禧端佑康頤昭豫莊誠壽恭欽獻崇熙皇太后懿旨此次祇謁
西陵所有經過之宛平良鄉涿州新城涑水易州房山清苑定興安肅各州縣地方應徵本年錢糧著加
恩蠲免十分之三○以常山爲蒙古副都統○以崇壽爲工部左侍郎○命盛宣懷隨同袁世凱張之洞
呂海寰伍廷芳會議商約事宜○內寅以增崇署兵部左侍郎○丁卯諭朕欽奉 慈禧端佑康頤昭豫
莊誠壽恭欽獻崇熙皇太后懿旨載瀛載濤均著賞戴三眼花翎宗祐著賞戴花翎○戊辰諭升允奏請
豁免民欠錢糧草束開單呈覽一摺前年陝省迭遭旱災民情困苦所有光緒二十六年分民欠地丁正
耗等項除荒及認墾尙未升科外其未完錢糧草束加恩著全行豁免以紓民困○己巳大學士榮祿卒
予祭葬恤銀命與勒溥偕前往奠醊諡文忠追贈太傅封一等男入祀賢良祠事蹟交國史館立傳賞其

子夏揆以四五品京堂候補○庚午諭軍機大臣等朕欽奉 慈禧端佑康頤昭豫莊誠壽恭欽獻崇熙
皇太后懿旨現在時事艱難民情困苦宮廷時深厯念迭經降旨諭令各省督撫嚴飭地方官吏勤求民
隱加意撫綏前經疆臣奏請試辦印花稅事屬創行恐滋擾累著從緩辦理其餘苛細雜捐即行停止如
有不肖官吏藉端科派巧立名目勒索民間一經發覺著即請旨就地正法以昭儆戒該督撫等務當仰
體朝廷視民如傷之意認真稽查詳籌妥辦以紓民困而固邦本將此通諭知之○命慶親王奕劻在軍
機大臣上行走○辛未 上御乾清宮德國使臣葛爾士帶領巴宴國祿王妃蒙日拉之妻吉錫之妻漢
文正使卜海伯覲見○諭現在謁 陵禮成後所有前派隨扈及前引大臣奎俊貴昌印啟溥善特圖慎
壽耆河鏞定成並查工之順天府尹陳璧均著回京供職○壬申諭朕欽奉 慈禧端佑康頤昭豫莊
誠壽恭欽獻崇熙皇太后懿旨慶親王奕劻昨已授為軍機大臣任重事繁著開去御前大臣鑲黃旗領
侍衛內大臣閔兵大臣鑲黃旗滿洲都統掌侍衛大臣管理上虞備用處善撲營火鎗處火器營各項差
使以示體恤○癸酉以湖南節次剿捕會匪出力予道員夏獻銘等升敘有差○甲戌調世續為鑲紅旗
漢軍副都統以繼祿為正紅旗蒙古副都統○乙亥諭軍機大臣等此次京察一等記名未經召見各員
著於本月二十日起挨次呈遞牌牌如是日未經召見仍於次日預備○諭朕欽奉 慈禧端佑康頤

昭懷莊誠壽恭欽獻崇熙皇太后懿旨此次祇謁 西陵乘坐輪車胡燏棻盛宣懷承辦一切甚屬周妥
著交部從優議敘直隸按察使楊士驥鹽運使汪瑞高辦理差務諸臻妥洽著以應升之缺升用以示鼓
勵○調景澄爲正白旗漢軍副都統那桐爲正藍旗滿洲副都統以增崇爲正黃旗漢軍副都統○丙子
調岑春煊署兩廣總督以錫良署四川總督○以李興銳署閩浙總督調張人駿爲廣東巡撫○以陳燮
龍爲河南巡撫德壽爲漕運總督○丁丑初逢時奏江西釐金創辦四十餘年原定章程本極詳密無如
行之日久巧僞日滋員司則苛刻留難稽徵不實商民則繞越偷漏趨避辦工近歲以來徵收減色因緣
頻年水旱百貨滯銷未始不因積弊過深愈形短絀若非重爲釐剔改辦統捐不足去其癥結目前在前
司任內適值奉派賠款數巨期迫特設商務局認真考查隨時詳定護理撫竣後仍督同局員實力整頓
先後將大宗貨物如青贛撫建兩河之木植撫州建昌袁州廣信瑞州寧都各府州屬之夏布樂平餘干
彭澤三縣之土靛景德鎮之瓷器信豐縣之蘿蔔條各處土產及外省運來之麻福建所產之煙絲一律
次第改收統捐惟各貨情形不同或添設專卡或由原有釐卡兼辦或歸外縣就地徵收皆係因事制宜
勢難畫一凡已經納捐貨物黏貼印花經過下卡祇許查驗不准補抽如有漏捐收貨全數充公所有各
卡向年收數悉爲剔除專歸經收統捐之卡一總比較其湖口卡所收二分釐金本在江西正釐之例照

籌辦理並在湖口設立保商局做照子口稅辦理抽收入口華貨俾便商情惟查光緒二十五年奉 旨
籌餉案內議提各卡盈餘錢九萬串約合銀六萬兩名稱不正流弊易滋應請刪去盈餘名目歸入正釐
比較並細以杜藉口此款業經由部撥還匯豐洋行銷款本應仍於每年所收釐金內提出銀六萬兩補
足原數又查舊設新建縣屬之樵舍卡與除撻卡殊途同歸委員各顧比較不免減收招徠之弊應併爲
一卡德化縣原有早卡二十年奏明裁撤貨多偷越應規復舊制新喻卡前已併歸樟樹卡兼辦續經移
設新喻縣城外改名浮橋廬卡作爲樟樹分卡又有收數較多之吳城上下卡兼左蠡卡神同山卡省城
外向委同通州縣辦理應改委知府萬年橋李家渡石鎮街橫江渡湘東五卡向委佐維應改委同通州
縣節經詳由本任撫 臣李興銳暨 臣批准照辦現在規模粗定收數漸形暢旺商民亦翕然稱便此外尙
有茶葉紙張一切土貨亦應併改統捐已分派委員陸續查明開辦至統捐多收銀兩仍照釐金造報並
請留爲本省濬解新約賠款及舉辦新政之需得 旨著卽督飭認真辦理剔除中飽以期裕課恤商○
己卯兩○庚辰諭管理奉宸苑事務慶親王奕劻總管內務府大臣世續乾清門侍衛奉宸苑卿訥欽泰
奉宸苑卿景恩署南苑郎中承慧預備南苑等處行宮差務一切妥協奕劻世續訥欽泰景恩均著賞加
一級承慧著賞給小卷紅綢袍褂料一套並賞給紀錄一次○諭從來立國之道端在理財用人方今時

局艱難財用匱乏國與民俱受其病自非通盤籌畫因時制宜安望財政日有起色著派慶親王奕劻署鴻臚會同戶部認真整頓將一切應辦事宜悉心經理卽如各省所用銀錢式樣各殊平色不一最爲商民之累自應明定畫一銀式於京設立鑄造銀錢總廠俟新式銀錢鑄成足數頒行後所有完納錢糧關稅釐捐一切公款均專用此項銀錢使補平辦水等弊掃除淨盡部庫省庫收發統歸一律不准巧立名目稍涉紛歧其應如何妥定章程著卽詳晰核議分別次第請旨遵行總之此舉爲國家要政上下交益該王大臣等惟當力任勞怨堅定不搖務令圖法整齊推行盡利用副朝廷通變宜民之至意○諭通商惠工爲古今經國之要政自積習相沿視工商爲末務國計民生日益貧弱未始不因乎此亟應變通盡利加意講求茲據政務處議覆載振奏請設商部業經降旨允准茲著派載振袁世凱伍廷芳先訂商律作爲則例俟商律編成奏定後卽行特簡大員開辦商部其應如何提倡工藝鼓舞商情一切事宜均著載振等悉心妥議請旨施行總期掃除官習聯絡一氣不得有絲毫隔閡致敗弊端保護維持尤應不遺餘力庶幾商務振興蒸蒸日上阜民財而培邦本有厚望焉○壬午周樹模奏臣維廣西兵事之起已及年餘始竊動於沿邊繼蔓延於內地零星小股出沒不常並非有巨慙大奸如金田洪楊之比乃以撫臣視師曠日持久竟未成功豈盡師不武而臣不力哉揆厥所由皆因廣西提督臣蘇元春所部各營與匪

爲一鉤貫聯絡根株盤互遂至於滋蔓而不可圖也查蘇元春督邊防二十五營計萬二千五百餘人歲糜餉五十餘萬通計近二十年幾及千萬受任如此之重費餉如此之多原期保衛生民又安邊境乃自提督移駐龍州以來滇粵各邊日苦游匪擾害浸淫及於內地戶口逃亡老弱轉徙千里爲墟此卽責該提督以治軍之無效已屬咎無可辭況其縱兵庇匪爲萬目所共見萬口所共傳乎聞該軍二十五營缺額大半張甲李乙止存空籍卽僅留一二營哨亦復經年累月不給餉項往往飢軍乏食脫巾狂噪無以應之則暗中授意令其打單爲活初猶明火執械漸乃白晝橫行其穿號衣者不可勝計時或累月離營拜會發財仍復歸營或歸不逾時又復出營行劫變幻離奇不可思議姦淫搶奪習爲故常前年該營官阮嗣宗之子搶掠過客煙土銀物迫令其挑夫肩入營內其他如捉人勒贖打村劫市時有所聞沿邊各屬人民痛恨入骨呼籲無門上年該軍營升周兆月在賓州境內衆屢行搶劫經地方團練格斃該提督竟敢電致兩廣督撫以該州擅殺爲言營官鍾福興私竄軍火被潰軍拿獲有據咨行詰難該提督悍然不覆仍令管帶如故梧州搜獲私運軍火之犯經梧州協電稟撫臣王之春查係蘇元春族姪阮明正法近滬關搜獲軍械中有蘇軍號衣其爲兵匪一氣灼然無疑至滇之販朝黔之興義粵之河池先後克復以及各路戰陣所獲賊囚十有八九係健字桂字等營弁勇并有公文號衣暨邊軍各員與匪往

來函件各疆臣黃閩函電交馳該提督均置之不理惟孽孽於滇之鹽井粵之鹽田湘桂之田畝房產惟日不足全置軍事於不顧今廣西沿邊各處人跡稀少榛莽塞途內地諸郡亦復蹂躪大半民不聊生推究禍端實因該提督以扣餉之故不能不縱兵以縱兵之故不能不庇匪遂使難發於邊軍毒流於全省兵匪既無所分故剿撫兩難得力是則該提督之害寇殃民事恩負國百喙奚辭竊念近年以來他國家多故每於臣下過失多所矜全務存寬大以致文武官吏恃天地擅載之仁敢爲一切而不顧卽如文官剿民武官扣餉迭經嚴旨通諭而各省之雜捐未減軍營之積弊未除至於蘇元春以專閫大員公然縱兵爲匪貪橫自由吏屬無忌憚之尤爲國法所不貸擬請欽派公正大員嚴密查辦治蘇元春以應得之罪不惟激厲戎行亦以儆動天下上諭有人奏統兵大員營私克餉養寇殃民一摺著岑春煊按照所參各節確切查明據實具奏毋稍徇隱原摺著鈔給閱看將此諭令知之○追予故河東河道總督喬松年於安徽建祠○癸未諭前據御史將式琨奏廣西官幕貽害地方各摺片當經諭令德壽確查茲據查明覆奏廣西桂平梧鹽法道黃仁濟居心險詐取巧鑽營隨辦營務幾誤大局桂林府知府孫欽時不知檢束舉動荒謬不樂縣知縣徐步瀛畏葸剛愎民怨沸騰四川補用知府前辦廣西北流縣知縣袁寶璣貪婪苛派庇紳病民北流縣知縣梁聯藻信任劣幕恇怯縱盜均著卽行革職劣幕李香

溪卽李文煒屢被彈劾懇免現已捐分省通判著卽革職驅逐回籍左江道瑞霖才具平庸難勝重任候補道張棠蔭性近苛刻措施失當均著以同知降補廣東補用知縣蔡兆瀛廣西知縣潘繼謨捐升通判前北流縣典史賈信守備鄒世勝等同惡相濟朋比爲奸均著一併革職餘著照所議辦理該部知道○孫寶琦奏各國賽會之舉在開會之國重在博覽新奇貨物使本國得以仿行爲農工商之進步在入會之國則重在陳列本國貨物視何者利於銷售卽可陸續增進爲農工商之銷路非徒爲是矜奇立異也各國入會者富商大賈必親往監察視何項暢銷卽與該國商人訂議續運中國商人不明此義但將貨物交付海關轉運會場代售親自西來者絕少據華必樂面稱中國貨物本爲歐人所喜悅故當會場陳列爭先購買乃貨主不來以致法人欲向訂購無從面議機會可惜等語現美國將開百年大會亟宜廣招富商鳩集公司親自運貨前往考察商情陸續運售勿貪一時之利宜爲久遠之謀應請飭下商務大臣各直省督撫勸諭紳商分投籌辦以擴利源下外務部知之○甲申以熙瑛爲內閣學士
夏四月乙酉朔時享 太廟 上親詣行禮○諭前據御史高枏奏參道員縱兵傷民並臚列該員營私肥己各節當經諭令岑春煊確查茲據查明覆奏四川總辦鹽局候補道華國英雖無私賣民田侵蝕公項實據惟於勇練交託一節治軍不嚴無可寬貸華國英仍著該部議處其所報効川賑銀六萬兩著戶

部另行核給獎敘餘著照所議辦理該部知道○諭前據御史徐德沅奏參四川知府各員當經諭令岑春煊確查茲據查明覆奏四川敘州府知府文煥失察委員濫用刑訊著交部議處府照磨盛未入流高其綬罔知自愛物議沸騰均著革職永不敘用瀘州直隸州知州榮保不宜繁劇著開缺另補前署寶縣知縣羅楨以酷濟貧民情共怨前經奏參革職著從重發往新疆効力贖罪候補知縣唐致遠縱丁騷擾聲名甚劣著革職永不敘用南川縣知縣雷登閣聲名平常著開缺另補前署中江縣事新寧縣知縣桂秀信任門丁確有婪索著革職永不敘用餘著照所議辦理該部知道○諭前據御史王乃徵奏參四川匪徒聚亂實由文武官員種種不法所致當經諭令岑春煊確查茲據查明復奏四川建昌道曹穗預報匪跡近冒功惟才具尙優著革職留任並撤銷頭品頂戴保案以觀後效候補知縣顧守彝約束不嚴復有缺額提督丁鴻臣屢被參劾聲名平常均著卽行革職提標參將重慶中營遊擊王長雲署馬邊協副將城守營遊擊穆德需雖查無贗營竄缺竄據惟聲名惡劣均著革職永不敘用以示懲儆該部知道○丁亥諭軍機大臣等鄧華熙電奏廣西南丹地方游匪陸亞發分股竄擾土州失陷已電廣西迅卽赴援並飭黔軍會同夾擊等語昨據王之春電奏邊界內地一律肅清何以南丹有股匪竄陷土州之事著王之春迅卽派營撲滅收復毋稍粉飾曹鴻勳已接獲撫並著嚴飭黔軍認真會剿隨時據實電奏

○己丑 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○大學士崑岡因病

乞休不允予假一月調理○庚寅諭軍機大臣等有人奏天津市面敗壞牽動京城急宜設法維持挽回

商局一摺津門爲南北樞紐兵燹後銀洋外溢市面本缺現銀通行貼現自示禁之後商民誤會撥兌不

通不惟天津市面窒塞牽動京城且令南來各貨入口甚少百物昂貴於商務更多窒礙著袁世凱傳集

明白商情各官紳妥議辦法務使銀根周轉不致牽動全局是爲至要原摺著鈔給閱看將此諭令知之

○辛卯車廷斌奏兵事至爲精微將才必求智勇非沈潛學術之本無以運籌於非合一文武之途無以

資鼓舞現在時局日新時變日亟自輪船輪車之制創而昔之旄微絕域如在左右自火器機器之式新

而昔之堅甲利兵無殊枯朽各國雖皆以教育爲本農商爲用而其能恢拓疆土陵輦全球則無不以

兵力爲主試以近事言之亞非兩洲之不競於歐美日本之強於暹越西班牙之失呂宋古巴大抵皆兵

弱者勝兵弱者亡其他小弱之萌滅於人役屬於人則更不可數計國家兵爭合爲十二裂爲六七者以

中土而成戰國今列強並爭分合無定是以全球成戰國未有兵力不振將才不肖而能自立自強者也

又昔之習兵者以謀略爲貴今東西各國之習兵者則兼重謀略學問此又隱符好謀慎戰之經有勇知

方之訓固非徒矜血氣取決一時者所能希望於萬一也溯自近年迭蒙 諭旨嚴飭各省設立武備學

堂以講求兵學培植將才仰見 聖謨宏遠振興武備之至意凡在臣庶欽佩同深惟是中土自宋明後
重文輕武積以成習士習於實兵習於賤古語有能挽兩石弓不如識一丁之說今又有好人不當兵好
鐵不打釘之謬大凡爲兵勇者多出游蕩無業及亡命不法之輩鮮有知尊親之義敦詩書之文者其有
身家者往往去之若浼爲將帥者自非文武兼優謀勇過人則止能備驅策之選甚或恃其剛狠逞忿生
事多所貽誤下焉者目不知書什常八九得志則放意驕奢失志則等於苟賤且有與會匪土匪爲伍者
此皆山不講兵學不重武員之所致也是則欲中土兵力之強非人人有樂於爲兵樂於爲將之心不可
欲人人踴躍於爲兵爲將非有以鼓勵誘掖之不可伏維 列聖垂訓淵深超越前代中誠文武並重之
旨至再至三考之定制滿漢尚書侍郎多兼八旗都統等官外省督撫亦時兼將軍都統印務漢提督
如趙良棟岳鍾琪楊遇春皆蒙 特旨擢改總督我 皇太后 皇上臨朝以來如楊岳斌張曜劉銘傳
皆自提督爲督撫至今武員談之皆有欣羨追慕之志此又 朝廷破格用人激勵羣才可爲天下萬世
法者也 維三代公卿皆兼將軍甘誓周官尙可考見是以三代之制庠序之稱曰士而卒伍之稱亦曰
士實爲文武合一文武並重之明徵春秋戰國以逮秦漢凡任元帥太尉大司馬者多卽其時執政之官
漢之三公九卿與將軍校尉迭爲遷轉而由羽林軍起家者尤衆魏晉而後斷自陳隋大凡公卿尙書外

至刺史太守縣令多帶將軍並以軍號之崇卑升降爲等差爲黜陟是以其時文吏嫻武略者史不絕書
遲於唐初猶存此制其後兵柄多授於武人儒臣恥言夫武事而金元國人仕者文武尙不甚分於是兵
力遂有南不如北中不如外之慨明祖雖命進士兼習騎射卒鮮遵用是以明之亡也兵皆擅於左良玉
高傑之徒文臣如史可法瞿式耜之倫雖抱忠赤之忱而其效驗乃不敵晉陶侃溫嶠之毫末此文武太
分之弊也卽如中興以來湘軍將帥若江忠源曾國荃羅澤南李續賓李續宜彭玉麟等淮軍若張樹聲
李鴻章劉盛藻丁日昌亦多由文士起家並非專以武階游進此外以文員帶兵者更指不勝屈足見軍
旅之任文武兼通則易收效此已然之明驗也現在武備學堂多已設立綠營員缺行將汰盡出路一切
亟宜預籌否則備習各種兵學之業歷累年之攻苦上之不過得一哨官營官下之僅得一兵丁恐非
志士所願出也今東西各國兵官兵弁無不識字通文頗與古合此又外制之可採取者也臣愚擬請此
後卒業武備學生皆照各省大學堂諸生考驗學業擇取於經史各種兵學兼優者一體作爲文貢生舉
人進士後量用文職以次遞升其次者仍令入常備各軍效用並請常備軍兵官專用武備學生如爲營
官准兼帶州縣銜分統准兼帶知府銜統領准兼帶道銜遇有各省兵備道及府州縣邊要缺出各省督
撫於武備學生出身銜缺相當內擇其經史兵學兼優者分別具奏請旨量加簡用仍與統領等量爲

選轉各地方官皆知武備即可就近教練民兵仿古寓兵於農之意近時德國民兵最多最强亦由於此
卽如歷代流賊草寇及前次髮捻回苗之亂其始起必在一州一縣倘任州縣者授之以兵則亂萌甫見
卽可芟除不致勢成燎原害及天下似又暗銷兵禍弭患無形之要用也如各州縣印官未諳兵事者擬
請於佐貳內量用學生一員以便督練則學生之出路日寬武職之鼓勵日優庶十年之後知兵之才布
滿於天下志勇之士亦皆樂於是遂近代重文輕武之習亦可挽救現准北洋大臣袁世凱咨鈔會奏令
選通文理之員弁兵丁赴北洋學習刻下晉省遴選頗難其選已飭設法選取精加甄錄卽當如限派往
用資練習倘蒙 聖恩飭議准行武備學生敘用文職之請則今之士子等皆必願入武備學堂將來知
書兵弁人數必多文武兼資之選儲之不匱駕馭操縱之法似無逆此且以刻下時勢論之文武有必宜
兼重者更有數端曾國藩謂湘軍諸將以次立功皆得力於主敬之學左宗棠謂將兵之要在智欲其深
勇欲其沈胡林翼論兵最重籌機蓄勢堅忍苦守於李續賓三河之難則痛恨將才之不可贖且謂將帥
必謀勇才德兼備方爲全才其於當時將領孰可統萬人孰可統數千人孰可統千百人均衡較銖兩不
肯稍有假借卽如咸豐同治年間用兵之時兵之強弱全視將之能否實有號稱勁旅戰勝攻取冠出一
時遐邇震懼及將領一易頓成弱軍又有屢北之軍經名將爲之陶成收拾卽又成精卒固知兵事至精

至微非謀略學問兼優不能爲良將夫以兵官之重如此 朝廷不以至優之途至貴之格待之則能者不屑學拙者不堪學將才之出復何所望此不可緩者其一分別賞罰所以勸人漢武帝求絕域之才則張騫諸臣出唐太宗求直言之士則魏徵諸臣興卽如制藝試律不過文藝之末自功令懸爲準繩則豪傑之士筋異之才尙皆竭力爭之殫精求之以得爲程不工不止何況武備本所當重誠以昔之勦制藝試律者用之勦武備何患學問不精謀略不裕將才之盛必可預決此不可緩者又其一武弁雖改文階擢度其由實因文理未諳識字過少施於吏治隔閡殊多今之武備學生凡經史要義交涉大綱皆列於課程嚴加考驗必無不習政治文理之弊以之臨民自無扞格此途一廣儒通兵略將知經術周漢之隆歐美之烈均可頡頏者必基於此否則始誘其學終靳其用既非 朝廷造就之懷又乖多士研求之意學無從勵兵何由強學堂之設將類空名外侮之來何以禦之此不可緩者又其一 臣前在北洋曾將此說陳於李鴻章亦深以爲然終以定制難更未肯入 告刻下時艱之艱武備之急較之昔時更形喫重內地匪亂尙未盡平外勢日強當斷自立蓋艾補牢斷不容緩茲幸恭逢我 皇太后 皇上振興庶政百度維新武備學堂敘用文職一事爲將才蔚興之機 國勢自強之本而宜興時變通似未容仍泥舊轍伏懇 聖明深察遠鑒 飭下政務處會同吏部各部妥議施行則大局幸甚又查漢唐宋元郡縣之

官貴兼知兵事唐宋元且以入衛至明始改此制雖時變檢之變督飭兵練慎固封守仍須州縣知兵方能得力此又爲地方官宜兼兵事之證據請各省綠營撤後所有巡兵全歸地方官管轄凡府州縣均加帶營務銜既於護解餉犯保衛地方及募民匪黨倉猝滋事易收臂指之助且使文吏練習兵事更可廣儲禦侮之才亦懇 敕下一併核議以重武備 臣查中土歷來以修明文教整頓綱紀爲本所以維持天下者原與列邦不同而兵勢未強國勢漸弱殊爲宋明以後致亂之一大端倘蒙 宸厪鑒察飭定文武通用辦法垂爲憲則薄海有識之彥上進之士自無不爭勵折衝敵愾之忱則將才可得兵氣可振隱以寓保邦固本之圖顯以恢禁暴戢兵之用時局所關不敢緘默臣不勝惶恐屏營之至下政務處議奏○吳廷斌奏查光緒二十八年升任撫臣岑春煊於請將耶穌教案賠款另立學堂歸併大學堂奏內聲明總教士李提摩太捐已得之資爲管育才足見誠心愛管並陳明管省現辦學堂因經費難籌歸併辦理則每年頓增數萬金之經費所開學科可以增補各等因奏邀 聖鑒在案查管省耶穌教案被殺教士之多被燬教堂醫院之衆本爲歷來所未有該總教士李提摩太等於商辦教案之始不以增廣賠款爲報復之圖而以建設學堂爲開智之要議出賠款銀五十萬兩爲管省大學堂添設西學專齋推其本意實欲管人胥泯畛域管學日進精深有以化偏狹之私保和平之局爲管計者至周且速此外各教會

減讓賠款四十餘萬尚不在內此其宜獎者一也管省大學堂議立之始官紳歛慮西學難精西師難求費用過繁則無所出太少則難見效自該總教士與現充西學專齋總教習敦崇禮誼請歸併一免門戶之生嫌一則人才之易植歲為管省節費數萬而所講科學所延師儒皆由總教習等精定慎擇無不悉造精純其積良美俾管學可裕流弊不滋此宜獎者又其一也興學育才最為要政胥士而稱拘囿設學之初多謂西學諸科粹難領會該總教習等自創學以來講貫惟恐不勤功候惟恐有誤精授課本嚴駁學業苦口勸誘獎誡分明甫及期年管士於格致各學漸知條理分數亦多合格該總教習等盡心啟牖不辭勞瘁既能多所造就復不稍涉虛糜此宜獎者又其一也查中土人士助款興學例准請獎各學官院長等勸誨樂育一經入告均得邀恩該總教士等捐款之鉅勸學之切允宜奏懇恩施以昭激勵由洋務局司道繕列銜名詳請具奏前來臣維該總教士等深明大義見遠功宏始則捐已得之賠款為管立學現又盡訓示之職分為管成材此其存心之公惠管之厚殆不可以尺寸計現在管案全結該總教士等經升任撫臣趙爾巽奏請分給獎敘惟議出賠款勸立西學專齋一節實為管材蔚興之本功不可沒理合繕具清單仰懇天恩俯准從優給獎以昭激勸而示大公允之○甲午政務處奏光緒十三年春間總理衙門因議辦洋藥稅釐併徵奏派稅務司登幹前往葡國議立節略四款第二款內載中

國暨允葡國承駐管理澳門以及屬澳之地與葡國管理他處無異嗣於是年夏間該國遣使來京訂立通商和好條約復於第二款載明前在葡國京都所訂承居管理澳門之款 大清國仍允無異惟現經商定俟兩國派員妥為會訂界址未經定界以前俱依照現時情形彼此不得有增減改變之事各等語本年正月間准該國使臣白朗敷照稱本國商民願在澳門振興商務修濬河道不得不將約內未定之事妥酌訂明前定和約已認澳門附近屬地為葡國承居管理應將該屬地之界址廣闊等項丈量妥訂按對面山一島居澳門之西小橫琴大橫琴二島居澳門西南各該島係澳門生成屬地又經和約認明敢請會商妥定等復以中國邊海島嶼向歸府屬州縣從無此島屬於彼島之事祇能就澳門現管界址照約勘定不得於界之外另有屬地二月初間復准該使來照以上年各國公約第六款所載進出口稅則改為切實值百抽五葡未與議表明該國人民所運各項貨物應仍照光緒十三年兩國條約所訂稅則辦理不得有背等因是意仍注重勘界而以稅則為要挾之具復經一等嚴詞駁拒始據該使面稱願將界務暫置不提但求擴充商務以期彼此有益開具條款為抵換利益之舉核其所開條款大約要分二端如應允改定稅則則稍徵洋藥稅餉在澳門設立分關為有益中國之款在澳門附近任便工程由澳至廣東省城修造鐵路為有益葡國之款等以澳門附近任便修造工程仍應暗侵界址駁令先

行刪除設關一款札飭總稅務司赫德核議鐵路一款電咨前兩廣總督陶模督辦鐵路大臣盛宣懷分別核覆施行據赫德覆稱澳門設關有裨稅收但章程必須妥定據陶模覆稱由澳至省修造鐵路於地方情形尚無妨礙盛宣懷覆稱造路於商務有益必須由總公司與之定立合同不必列入約款各等語臣等復與葡使一再磋商將允造鐵路另用照會聲明不入約內該使亦已允從臣等復查此次葡使奉其國命來京意在展拓澳界粵省士民頗為惶惑迭經稟呈兩廣總督請臣部設法駁阻然該使於澳門屬地一項則以舊約內經允認為據於稅則一項則以新約未經與議為辭臣等堅忍磋磨相持至數閱月之久晤商至十餘次之多始將勘界之議商允停辦現與該國訂條款第一款聲明舊約照舊遵守第二款聲明上年各國公約加增稅則大西洋國均允遵照並與訂明該國人民所納稅項不得較別國稍有增減以預留日後加稅地步第三款在澳門設分關一道以稽查出入澳門洋藥並徵收各項稅項該關須在澳門界內然屬州稅關即在租界之內辦理數年並無枝節但使稅司稽徵得力似於餉項不無裨益第五第六兩款均申論設關事宜章程由兩國酌定第七款計約文字第八第九款批准互換各節皆向來訂約應敘之款無關要義臣等遂附反覆推求尙屬妥協謹照錄增改條約各款全文恭呈御覽如蒙 允應 簡派大臣與葡使定期覲押再將約本進呈請用 御寶以憑互換呈設立中

簡公司修造由澳門至廣東省城鐵路地僅二百餘里現辦粵漢九廣兩路已議定通至省城再添一路亦可藉以擴充商務既與該使訂明另用照會為憑一俟 命下即將照會互換仍咨行督辦鐵路大臣盛宣懷與該國詳定合同以期周妥得 旨著派慶親王奕劻查押餘依議○予江蘇長洲縣節婦李徐氏旌表○內中 上奉 慈禧端佑康頤昭豫莊誠壽恭欽獻崇熙皇太后山頤和園還宮○諭軍機大臣等駐藏幫辦大臣桂霖奏廣西游匪隱患日深敬陳管見一摺現岑春煊計將到任著將所陳各節體察情形妥明辦理原摺著鈔給閱看將此諭令知之○丁酉常壽大祀 天於 闕丘 上親詣行禮○戊戌 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○諭本日給事中徐士佳呈遞封奏摺內有添註之字及某令字樣均與章奏體制不合著傳旨申飭○己亥諭升允奏特參管帶營官請旨懲處等語各省勇營優給餉項迭經嚴飭不准有缺額冒餉等弊茲據該撫查出管帶續備屯軍左旗補用游擊毛岳斌管帶前旗補用參將王得貴均有缺額克扣情弊王得貴並有役使勇丁營造私宅之事實堪痛恨僅予革職不足蔽辜毛岳斌著發往軍臺王得貴著發往新疆効力贖罪以示懲儆該部知道○庚子命王之春督辦廣西邊防○癸卯召陳夔龍入覲以陸元鼎署清運總督○增祺奏上年十月據署甯遠州知州趙臣翼稟稱准美國駐京教士賀慶山海關教士向雅各中國教士德瑞等

來函以州屬中前所前屯衛兩處各有租賃民房耶穌教堂一所為美國美以美會所立庚子拳匪之亂
中前所教堂前屯衛教堂與該兩處教民財物同被毀失計值不下十萬吊應議賠卹並以美國教堂關
外僅此兩處其地現雖改歸新設綏中縣管轄其案則在未經設縣以前仍應在寧遠州會同議辦等情
又據該教士函同前因奴才等當即一面函覆該教士力從減讓一面批飭該署牧會同綏中縣據派委
員許彭齡妥與磋商去後旋據該州縣會稟教士質慶等於上年十一月二十一日到州交出失單所索
仍如原估之數與之反覆辯駁開誠布公情勸理喻該教士亦主和平大為讓減隨議定由官籌給東錢
五萬吊為教民卹款以二千五百吊為教堂賠修之款通共東錢五萬二千五百吊合寧遠市平銀七千
五百兩並與該教士等合擬完結章程六條為日後民教永遠和睦之計議定簽押其款業經奴才等酌
飭在於該州光緒二十七八兩年地丁餘租項下動支於光緒二十九年正月二十六日如期撥付完結
應請 旨飭部立案作正開銷下外務部知之○甲辰諭前據御史李灼華奏參直隸宣化鎮總兵何乘
龍縱匪殃民各節當經諭令袁世凱確查茲據查明覆奏該總兵被參各款或事出有因或查無實據惟
於營員多所徇縱未能隨事究辦實難辭咎何乘龍著交部議處留直補用副將周得勝剿匪延誤著即
行革職永不敘用游擊魯都司前洗馬林守備於匪徒搶劫衛署捏報規避哨官千總高清選畏葸無能

著一併革職都司薛東林以潰弁留營肆行搶掠現復在逃著卽革職仍通飭嚴拿務獲就地正法以肅軍紀該部知道○丙子諭張人駿奏要缺需員請將新任貴州貴西道文悌與河南河陝汝道崇晉互調一摺前因貴西道爲邊要之缺文悌政聲尙好特予簡放朝廷量材擢用自有權衡張人駿所請與崇晉對調殊屬冒昧著傳旨申飭○己酉諭閣普通武奏病久未痊懇請開缺一摺該大臣屢次因病呈請開缺業經寬予假期茲復續請實屬有心規避閣普通武著勒令休致○諭丁振鐸等電奏匪徒周雲祥搶佔簡稽廠營經調營往剿正在兼程前進忽據報臨安府城被匪竄陷等語該道魏景桐等事前既失於防範臨時又未能堵禦咎實難辭臨安開廣道魏景桐著卽革職留任分統營官魏榮斌管帶運家相馬朝桂麥賈安馬子賢均著革職拔去翎枝効力贖罪知府顧縣等員查明嚴參著飭按察使劉春霖迅卽添募防營出省堵剿會同該鎮道等迅將府城克復趕緊捕拿首要盡法懲治如仍不知振奮立功卽行奏明從嚴參辦丁振鐸林紹年均著交部議處務卽督飭各軍認真防剿迅速捕滅並將路工及洋員人等切實保護毋稍疏虞如再貽誤惟該督撫是問○庚子大祀 地於 方澤 上親詣行禮○命準良爲西甯辦事大臣○辛亥 上詣 覺生寺祈雨○授崇禮爲大學士以敬信協辦大學士○諭各部院爲庶政所歸今三堂司各官悉心經理迭次降旨申儆而積習迄未掃除往往公事積壓疏漏仍任聽書

吏辦理堂司各官漫不經心卽如本日吏部具奏摺件有上年發補之缺遲至數月始行議擬並有應行開列人員單內遺漏者實屬因循疏忽當此時事艱難朝廷宵旰憂勤孜孜求治大小臣工官如何激發天良切實講求興利除弊乃復蹈常襲故不知振作殊屬有負委任嗣後各部院堂官務當振刷精神督飭司員親身辦事認真整頓不准假手書吏倘再仍前玩愒定當嚴加懲處以肅政治將此通諭知之

光緒一百八十

臣朱壽朋敬編

臣章圭璋恭校

五月乙卯朔以那桐爲戶部尚書鐵良爲戶部右侍郎○吳廷斌奏查升任護撫臣趙爾巽因口外各廳銀地日廣人民日多原設各廳鞭長莫及奏請移設太原府同知等四缺於二道河寧遠大灘大奈太移寧遠通判於科布多等處以澄治源而弭隱患業經政務處吏部核准覆奏奉 旨依議欽此欽遵行知到省由趙爾巽轉行布政使歸綏道飭各印委勘明界址在案茲據該司道詳明勘分界址大概情形並以大灘擬設廳治東距科布爾廳治僅八十里未免過近西距轄界四百餘里又嫌過遠應移擬分新屬地方酌中之翁滾堡城以資控制請飭各員先行署理俾得就近籌辦一切以重邊治復據署布政使胡湘林按察使豐伸泰將委署各員銜名詳請具奏前來臣查前歲分廳一案原爲邊外地廣民每不靖非設官分治無以爲綏邊弭患之謀長治久安之計加以各處蒙漢錯居民教難處整務議創自廢待興現既將界址勘有端緒自非遴委熟悉邊情之員先行署理無以收人地相維之效當飭照該司等所請以太原府同知移駐歸綏道屬鹽鎮廳治東一百八十里之二道河擬名興和廳撫民同知加理事銜一缺

委現署豐鎮廳同知候補直隸州陳時雋先行署理以汾州府同知移駐歸綏道屬薩拉齊廳治西三百六十里之大奈太擬名五原廳撫民同知加理事銜一缺委准補河曲縣知縣姚學鏡先行署理以澤州府同知移駐歸綏道屬歸化廳治北二百一十里之翁滾城擬名武川廳撫民同知加理事銜一缺委候補直隸州知州陳政司先行署理蒲州府同知移駐寧遠廳擬仍名寧遠廳撫民同知加理事銜一缺卽委現署寧遠廳撫民通判准補鳳臺縣知縣朱鴻文暫行署理以原有寧遠廳撫民通判移駐歸綏道屬寧遠廳治東三百六十里之科布爾擬名陶林廳撫民通判加理事銜一缺委候補知縣沈守正先行署理其二道河科布爾原有巡檢二缺遵照政務處吏部議覆均改爲兼管司獄事寧遠廳原有通判司獄一缺改爲同知司獄武川五原二廳應設司獄由何缺移改俟署同知到後稟明辦理均先刊給木質關防鈐記暫資應用並飭將輯民教清詞訟編保甲劃田賦立巡警興學校建署獄通郵驛設分防辦公費繪輿圖各事因地因時次第籌辦俾圖整頓現當議改職分之始興革諸務端緒宏大條目紛繁必須熟籌於事前方免補苴於事後得 旨該部覆議具奏單併發○丙辰轉聯芳爲外務部左侍郎以顧肇新爲外務部右侍郎○以伍廷芳爲外務部右丞○調毓秀爲正藍旗滿洲都統以景恩爲鑲藍旗蒙古副都統○戊午諭軍機大臣等長庚等奏議還借地一摺據稱阿爾泰山地段周圍七百餘里從前借給塔

城之案轉轄多年現經該將軍秉公勘議將原借地段交還科布多參贊大臣管轄其潛住之哈民人隨地歸住科布多境者歸科城管轄住塔爾巴哈臺境者歸塔城管轄等語應如所請辦理即著瑞洵春滿迅卽定期交收妥爲安插約束和衷會商悉心經理其潛入新疆南北路之哈民著滿效蘇趕緊設卡查禁並另派員會同科塔兩城派來之員分別收回各歸各牧以免紛擾餘依議○命王文韶爲武英殿大學士崑岡爲文淵閣大學士崇禮爲東閣大學士○庚申調任安徽巡撫饒應祺卒於哈密途次賜卹如例政績交國史館立傳賞其子候補道饒鳳珪以道員卽補○魏光燾等奏光緒二十八年正月十七日奉 上諭將各省屯田地畝澈底查明報官稅契聽其管業將屯餉改爲丁糧等因欽此五月十四日奉上諭有人奏各直省衛所屯田請飭清查繳價以裕國課一摺著各督撫認真清查分別妥籌辦理欽此疊經臣等札行司道等欽遵辦理在案現據江甯布政使李有棻江蘇糧道胡廷會詳稱查江省所屬各衛除江淮興武二衛向無屯田不計外所有淮安大河揚州徐州等四衛屯田當經通飭自光緒二十九年超分劈坐落各州縣接收查辦謹將一切辦法會議章程四條一繳價宜酌分等則也查江省淮徐等四衛屯田共計一萬一千六百二十一頃有奇各丁私相典賣糾紛甚多且欲坐各州縣境內與民田犬牙相錯田地肥瘠不同價值多寡不一竝就各屬稟報情形酌中核定按照各衛額設頃畝無論軍執

民執每畝繳價上則田三兩中則田二兩下則田一兩由屯坐州縣先行出示曉諭屯田具報承執頃畝各數並歷年徵收冊串花名照章勒限催繳不准避重就輕倘有隱匿逾限不報查出卽行招買變價充公一納稅宜量予限制也查民間置買田地例應價銀一兩完稅銀三分今屯田納稅向應仿照辦理俟各屬造送花戶頃畝冊後山道刊刻印照編立字樣發由屯坐州縣按照冊內花名及承執頃畝數目應繳價銀若干稅銀若干逐一註明照內黏貼藩司契尾發給業戶收執管業所有價銀稅銀均一律繳解司庫兌收專款存儲聽候撥用一屯餉宜照舊徵解也查江省淮大等四衛應徵屯折漕糧等款科則輕重不同而編徵款目均係查照賦役全冊及部頒定額徵解司道各庫兌收相沿已久今若改照民賦未免紛更煩擾誠恐於原額餉項有虧應請仍照舊制徵收分解司道各庫兌收造報庶幾民不擾而賦有常一運田宜徵收糧賦也查揚州衛侯徵糧及興化所有運田一項從前起運之年給丁濟運並不徵糧今既刪除運丁名目將屯餉改爲丁糧此項運田應請一律造串散徵糧賦復查安徽省泗州衛向有運津一畝徵解道庫所有侯徵運田興化車田以及各衛無主絕軍之田似應查照泗州衛徵津章程由欲坐各州縣就近體察情形詳定科則徵收運津銀兩批解道庫兌收造報俾免隱漏以上各節據該司道等會詳請奏並據另詳屯田繳價予限一年分次繳完等情前來臣等覆查屯田辦法各省情形不同今

該司道所議繳價因田則爲輕重納稅視田價之多寡尙得情理之平至屯餉運出兩項或宜循照舊章以免煩擾或宜酌定新則以裕度支既據該司道等詳察情形似可准如所議責令分別辦理下戶部議奏○癸亥 上復詔 覺生寺祈雨○命戶部右侍郎鐵良會同袁世凱辦理京旗練兵事宜○諭軍機大臣等張仁黼奏漕陳陳省情形一摺據河南徵收錢糧本有舊章藩司廷祉以添營解餉改銀完錢較向章加至倍半以致激成盜縣民變武涉等縣繼之河以南皆蠢蠢欲動且恐擾及鐵路教堂致貽巨患請飭照舊辦理以恤民艱等語此案前經張人駿據實查明不得以陳案在前稍護應如何禁革變通之處該撫務當體察情形妥爲辦理總期籌款而不擾民毋致別滋事端是爲切要○甲子諭軍機大臣等戶部等會奏議覆山東黃河工請款籌辦一摺前據周馥奏東省河患日重擬擇要興作約估銀五百萬兩請由戶部籌給三百萬兩其二百萬兩在本省捐項內籌湊等語河工關係緊要該撫所擬辦法是否確有把握果能爲一勞永逸之計雖庫款支絀仍應飭部設法籌措著該撫再行悉心妥議詳細具奏務當選派熟悉黃河工程之員認真經理毋任虛擲鉅款仍不免潰決之虞是爲至要將此諭令知之○丙寅 上御仁壽殿英國醫使臣海納理帶領水師提督裨利治覲見○丁卯以黃建筦爲江甯布政使胡湘林爲湖南按察使○以葉祖珪爲浙江温州鎮總兵○戊辰外務部奏光緒二十九年二月二十八

日准軍機處鈔交署兩江總督張之洞江蘇巡撫恩壽督辦鐵路大臣盛宣懷會奏滬甯鐵路籌借英款
訂立詳細合同一摺奉 硃批外務部議奏單併發欽此查原奏內稱光緒二十四年閏三月初四日承
准總理衙門來電英使述其政府之意自滬至甯鐵路必欲令怡和承辦勢難峻拒飭由總公司相機籌
辦臣宣懷遵與怡和兼代匯豐之英國銀公司磋商草約二十五條聲明設與地方窒礙隨時更正仍俟
簽定正約會同督撫具奏電經總理衙門核准於是年閏三月二十三日先將草約簽印即派員伴護英
公司瑪利孫等測勘軌道估計工費適英以特戰吾以拳亂彼此遷延未議正約上年七月銀公司公舉
上海領事官璽理南來談詳細合同開議以來磋磨五六月易稿六七次間有爭持未允者臣宣懷復屬
璽理南攜稿來甯經臣之洞復加考核派員與之接款磋商分別駁改增刪幸皆妥商就範計訂詳細合
同二十五條以粵漢美款辦法為基址其自保權利之處實較已定各路為尤多璽理南電致英京一切
俱已允協理合繕具清單恭呈 御覽俟奉 旨批准再行簽印等語臣等將該督等所訂合同詳加查
核如訂借英金三百二十五萬鎊虛數九扣年息五釐以英公司出售小票先後為起息日期並訂明備
付息款取贖小票辦法他如需用材料先儘漢陽鐵廠承辦遇調兵運械販餉諸要務減收車價儘先載
運以及自購地基以固根本遴派總辦以重事權皆為取益防損之端核與粵漢鐵路合同用意相符而

於禁止洋工程師干預地方事宜及預訂將來徵收稅捐各節則尤爲詳密其餘各條均屬可行應請准如所擬辦理如蒙 俞允卽由 工部咨行遵照會同簽印並照會英國駐京使臣飭令該公司按照合同妥速開辦得 旨如所議行○景濤奏兵燹後兵部衙署無存奴才請將奴才父已故大學士寶璽所遺之房一所坐落在安定門大街於上年二月間經兵部奏明作爲公所在案現在各部院衙署已陸續興修而兵部爲戎政總匯之區選擇經年尙無善地該部原擬購買民房修建然擇地數處非偏於一隅卽固於狹窄若平地起建需款太鉅當此庫款支絀之際諸事力求撙節尙修建兵部衙署亦屬勢難延緩查現作公所之房已隔年餘其一切辦公處所尙不至甚形牽就奴才請將此房報効改建衙署惟衙署規制與住宅不同前面必須添購民房擴充地基建蓋大堂大門方足以肅觀瞻而崇體制奴才謹將房間恭繕清單仰懇 賞收改爲兵部衙署以資辦公奴才每憶父訓總以受 恩深重未能力圖報稱况奴才世受 國恩不揣冒昧略効愚誠上爲節省庫款下思勉承先志 上諭景濤奏報効房屋備建兵部衙署一摺著兵部右侍郎戶部左侍郎景濤著加恩賞給頭品頂戴○己巳 上御仁壽殿德國使臣穆默觀見○庚午 上復詣 覺生寺祈雨○蠲免廣西平南等州縣錢糧○諭戶部奏衙署不戒於火請將堂司各官議處一摺本月十四日戶部捐納房失火延燒大堂銀庫並各司處該部堂官及當

月司員文懋汪文司務廳值班筆帖式錫璋張啟芳均屬疏虞防範著交部分別議處所有庫儲款項著迅速清理查明具奏○辛未諭軍機大臣等有人奏奉天錦州大橋廠海口巡檢耿德臣夥通奸商偷漏國課請飭查辦等語著增祺按照所稱各節確切查明具奏原摺著鈔給閱看將此諭令知之○壬申諭軍機大臣等有人奏河南地丁改銀完錢請飭停罷以遏亂萌一摺此案前據左副都御史張仁黼奏已諭令張人駿變通禁革據實查明覆奏仍著該撫體察情形迅速分別停止妥為籌辦以釋羣疑而恤民隱原摺著鈔給閱看將此諭令知之○甲戌 上御仁壽殿美國使臣康格帶領水師提督艾文思覲見○乙亥 上奉 慈禧端佑康頤昭豫莊誠壽恭欽獻崇熙皇太后由頤和園還宮○丙子諭軍機大臣等有人奏浙江嘉興縣錢糧重案屢年不結庫書積欠等尤為巨竊控案繁疊請飭查辦等語著翁曾桂按照所參各節澈底清查據實具奏毋任延遲原摺著鈔給閱看將此諭令知之○丁丑 上詣 大高殿祈雨○外務部奏蒙古地方土脈雄厚礦產富饒久為外人所歆羨其在圖什業圖汗車臣汗各旗界內西向鄂爾河哈拉河至額能河北白色塔河至伊魯河共有金礦五處苗綫尤旺前經升任定邊左副將軍庫倫辦事大臣連順擬請招集商股購運機器相地開採並據前天津稅務司柯樂德稟請代招俄股遵章妥辦當於光緒二十四年十一月間奏奉 硃批著總理各國事務衙門會同礦務大臣妥議

具奏欽此適待講學士貽穀以連順所請招商開採蒙古金礦有害無利等語入奏奉 旨著歸入連順
前摺一併核議等因欽此旋經總理衙門會同路礦總局覆奏請 特派大臣督辦並附片聲明先由圖
什羊圖汗界內設廠興辦奉 旨著卽派連順會同興廉督率辦理餘依議欽此欽遵咨行在案二十五
年四月間復經連順奏明籌辦礦務情形並派柯樂德購定機器延聘礦師招集洋股以便招工開採嗣
於二十六年因蒙古該旗盟長呈報有礙風水游牧經理藩院奏奉 諭旨派大學士崑岡馳往查辦奏
請停止奉 旨飭下連順將柯樂德妥爲遣散並著照阿將礦地封禁等因卽經總理衙門咨行該將
軍等欽遵辦理各在案本年二月間據總稅務司兩榷柯樂德前辦庫倫圖車兩盟金礦辦理年餘忽又
奉飭停辦該處所置機器礦師工匠人等仍在彼守候甚望轉圖俾得兩益並將柯樂德所具說帖呈請
核辦前來當經 部咨行庫倫辦事大臣暨定邊左副將軍查覆去後茲據該大臣暨阿合稱該員柯
樂德雖經奉飭遣散回國而以前辦理年餘賠有鉅款迄未離開機器房屋依然尙在礦師人等留未資
遣事關洋員各處又均有合股辦礦之舉此則獨禁而強令任賠中止誠恐別生枝節查 部議復熱河
都統錫良摺內請將蒙古各旗礦產設法開採又政務處議擬山西巡撫趙爾巽摺內亦有內外蒙古礦
產甚繁興利實邁當務之急各等語均經奉 旨允准咨行到庫札飭各盟一體遵照該盟長等已知開

礦興利之意現柯樂德請仍續辦礦務亦應各無異言等因並准該將軍連順將該處開礦並無窒礙情形聲覆到部臣等伏查蒙古圖什業圖汗庫臣汗兩盟界內礦地逼近俄疆久爲彼國游民私自偷挖防維杜絕智力俱窮是以前出使大臣洪鈞曾有自行設廠挖金以防俄人越取之奏卽連順原議亦無非爲興利防害起見祇因蒙人賦性多愚不免惑於風水之說其實俄人越境私挖仍難禁阻設因驅遣之故由其領事向我請辦則事關交涉准駁均屬爲難不如先自開採准令俄人附股猶得稍保利權況近來風氣既開迭奉 諭旨興辦礦務彼蒙民僻在邊隅亦漸知礦產之利既據該大臣等查明礦情均無異議應請仍照原案辦理如蒙 俞允請飭下庫倫辦事大臣暨陸阿會商定邊左副將軍連順妥訂詳細章程奏明辦理并照總理衙門原奏先就圖什業圖汗界內開採徐圖推廣以裕利源得 旨如所議行○戊寅奏同等奏光緒二十七年四月十七日欽奉 諭旨照博學鴻詞科例開經濟特科於本屆會試前舉行著政務處大臣擬定考試章程請行辦理等因欽此當卽遵議章程七條奉 旨依議二十八年十月二十一日復奉 上諭改於會試後舉行並著政務處分咨原保大臣及各督撫分別咨送務於四月以前齊集京師屆時奏請欽定日期考試等因欽此當經恭錄通行分咨遵照計中外臣工奏保者三百七十餘人其中查有現任寶缺或充要差爲各該省督撫奏留不考者現在報到者一百二十二人

既奉 諭旨於會試後舉行自毋庸再予展限等因商酌擬即就現在人數傳集考試於閏五月內
新進士各場完畢後舉行應請 欽定日期 特旨宣示剋期取齊所有考試各事宜由禮部查照 殿
廷考試向章妥爲辦理惟原奏係以二場分試策論現就試人數較少擬請略爲變通以第一場爲正場
錄取者再行複試一場均試以論一篇策一道並請 欽命題目簡派大臣校閱進呈恭候 欽定等第
名次交禮部帶領引 見分別錄用 上諭經濟特科保薦人員著於閏五月十六日在保和殿考試○
己卯兩○諭張百熙等奏刊刻題紙昔字誤作晉字自行檢舉一摺張百熙等著交部照例議處○諭軍
機大臣等有人奏浙江鹽運使黃祖絡貪橫竊欺罔營私並贖列不法五條請飭查辦等語著李興銳
按照前參各節確切查明據實具奏毋稍徇隱原摺單著鈔給閱看將此諭令知之○庚辰兩○以王
幼山爲安徽壽春鎮總兵○辛巳 上詣 大高殿報謝○諭本日御史黃昌年呈遞封奏摺內署閩浙
總督李興銳繕作李勉霖殊屬荒謬著傳旨嚴行申飭○柯逢時奏江西浮梁縣之景德鎮製造瓷器已
歷數朝舊年售價約值五百萬金近乃愈趨愈下歲不及半論者以爲製法不精稅釐太重之故○初亦
信以爲然自來豫章悉心考察乃知此項製作實勝列邦其選料也則合數處之土以成坯故其質堅而
其聲清越其上釉也則取各省之物而配合故其色光澤而其彩鮮明又復講求火候考驗天時備極精

微遂成絕藝其創始者實深通化學之理至今分門授受各不相師非若他技之淺而易明也始於朝鮮
學製漸達於東西各洋視為瓊寶經營仿造乃克有成較之華瓷終有未逮往者該鎮工匠曾赴東瀛見
其請力未深爽然若失外洋各國亦自以爲弗如也至於微權則稅重而盤輕江西資釐不及原價十分
之一而洋關細稅則權其輕重別其精粗辨其花色幾逾十倍故商人辦運皆取道內地繞越海關獨與
他貨異轍然中國之銷數日絀而外洋之浸灌日多揆厥所由實緣窯廠資本未充不能與之相競蓋該
鎮自車輿以後元氣未復又一燬於火再淪於水資產久已蕩然勉力支持益多苟簡運商復從而盤剝
時當其阨則倍息亦所甘心於是年復一年利日以微貨日以窳其行銷內地者卽通都大邑亦少精良
之品迄無人維持而補救之遂一蹶而不可復振然而工匠之精能者其實未嘗乏也往者臣嘗見肆中
陳設珍玩於尊彝鼎彝之屬及宋元舊制皆有仿作佳者幾可亂真因購洋式大小盤匱令之照樣製成
實無稍遜而堅韌或且過之惜客戶恐不易售不肯舍謀謀新上年乃招集紳商釀創公司久之亦無應
者良由此事固無人知卽知者亦不能悉遂不免望而卻步經臣周裕博訪查有湖北候補道孫廷林器
識閎通辦事精審自其先世皆承辦 御署廠事務工匠商賈信服尤深當卽電調來江與之考究一切
事宜悉能洞中窳要其於此事確有心得而精核罕有其倫卽經委辦瓷器公司籌撥十萬兩以爲之創

餘由該道自行集股據稱已得五萬金於三月間在該鎮建設密廠招集工人專造洋式武器必精必良約計秋間即可出貨當豫備各式敬謹進 呈所有章程均循商例應完釐稅一律抽收且不敢援專利之條致爲商人所疑阻 臣查外人游歷江西於該鎮無不迂道往觀多購粗資歸貽親友偶得使製則懸之坐隅珍爲秘玩日本且歲購白坯回國加以繪飾轉運西洋蓋西洋富人所用器物以手製者爲良非以機器所製爲珍重也近來洋商屢思來此設廠製造而奸商或挾外人之勢冀免稅釐歷經 臣隨宜拒絕倘再不圖變計將並此區區利權不能自保矧該鎮聚工匠數十萬人性情犷悍或致別滋事端隱憂尤大今既設立公司精求新製以後當可大開風氣廣溶利源與其振興他項工藝收效難期不若因其固有者而擴充之爲事半功倍也該鎮銀根緊迫百物騰貴此次並分設官銀錢號以利轉輸此外通商惠工之政自應隨時察看情形藉資補助下外務部戶部知之○壬午賜王壽彭等三百十五人進士及第出身有差○命楊樞爲出使日本國欽差大臣○癸未 上奉 慈禧端佑康頤昭豫莊誠壽恭欽獻崇熙皇太后奉頤和園駐蹕○予故江西南昌府知府冷鼎亨列入國史循吏傳○陳鑾龍等奏光緒二十八年正月十七日奉 上諭將各省屯田地畝澈底查明報官稅契聽其管業將屯餉改爲丁糧等因欽此五月十四日 上諭有人奏各直省衛所屯田請飭清查繳價以裕國課一摺著各省督撫認真

清查分別妥籌辦理欽此。茲經臣等札行司道欽遵辦理。在案。現據江蘇布政使陸元鼎、蘇松糧道羅嘉杰會詳。稱查蘇州太倉鎮洋鎮江金山五衛屯幫屯田兵變以後，坍塌失冊甚多。且各丁私相典賣糾葛，不清。疊飭各屬認真清查。迄今未能合額。茲先將一切辦法會議章程六條一繳價酌定等差。也查蘇太等五衛幫額管屯田共計田蕩塗二千八百六十三頃有奇。散坐各州縣縣境內與民田犬牙相錯。肥瘠不同。擬先就已經查明熟田，無論軍執民執，分別上中下三等，每畝繳價上地田三兩，中地二兩，下地一兩。由兼管州縣縣先行示諭各民戶具報承管頃畝戶名坐落地段，核與歷年徵冊相符。飭令按地繳價，勒限一年繳清造冊分送司道核定。再行頒發會銜印照執守。倘敢執重就輕，查出變價充公一失冊荒缺等田，應儘力查核也。查該五衛幫田坍塌缺額失冊拋荒四項核數甚鉅。歷年久遠清查匪易。應責成兼管州縣縣按照從前底冊實力查核造冊詳辦。其失冊拋荒之田定限一年召佃開墾，按畝繳價。倘有隱匿不報查出充公果係實在坍塌並缺額無稅者，另行造冊請豁一納稅照民田完繳也。查民間置買田地每價銀一兩完稅銀一分。今屯田納稅自應仿照辦理。由兼管州縣縣核明正價稅銀各數隨時填給契尾黏連照後給業收執。所繳田價稅銀隨總批解司庫專款存儲，聽候撥用。一屯糧錢糧照舊徵解也。查該衛幫應徵屯折漕倉贖運等項科則輕重不等。核計米科雖較民田加重，然本係例定之數，並非

額外加徵業戶完納相安已久今若改照民賦編徵竊恐有虧正賦擬請照舊制徵收分解司道各庫兌收造報以歸簡易一津租等款應提撥歸公也查金山幫津貼一款向由松屬之奉上海南川廳縣代徵給丁濟運並非正賦迨經兵燹漕船停運雖經奏准屯租金數津貼留給三成抵完糧賦七成歸公報部有案今既裁撤衛官革除軍丁名目自應連同官俸一併歸公報部撥用一查辦墾務宜專責成也查該五衛幫事務前已札委吳縣太倉鎮洋丹徒川沙五州廳兼管雖各衛幫屯田散坐各縣自數頃至百數十頃不等若令屯坐各處分辦納稅繳價諸事向無冊檔可稽恐難下手且一丁管業之田亦復零星坐散分投輸將未免煩擾仍應責成兼管州廳縣一手經辦以免諉卸如果辦理得法早日墾事量予獎勵倘敢因循玩泄定卽從重參辦以上各節據該司道等會詳請奏前來臣等覆查蘇省屯田坍沒缺額失冊拋荒田畝爲數甚鉅係屬實情若待一律查清轉需時日今據該司道等議以先就已經查明熟田之則繳價納稅一面實力稽查將失冊拋荒之田定限招墾實係坍沒缺額者造冊請豁似此分別辦理尙屬妥洽至屯糧照舊徵解與各省章程相符津租一併歸公於事理尙昭核實似均可照議辦理惟屯務仍令兼管州廳縣經理與他省均歸欽坐州縣接辦辦法不同但該省屯田糾葛較多清查不易該司道等所議係爲專責成防推諉起見自應責令依限查辦一俟成事仍劈分欽坐州縣自行徵收以同一律

下戶部議奏○諭軍機大臣等有人奏安徽懷遠縣知縣楊兆琛貪污謬戾受賄埋冤並乾沒學堂存款信任奸商玩視命案等語著嚴緝緊要按照所參各節確切查明據實參辦毋稍徇隱原片著鈔給閱看將此諭令知之

閏五月甲申朔命前貴州提督馮子材會同岑春煊辦理廣西軍務○諭軍機大臣等翰林院侍講學士楊捷三奏藩司輕改舊章激生民變請派員查辦一摺河南錢糧改革一案屢次有人陳奏已諭令張人駿確查茲復據該學士奏參所陳情形著錫良秉公確查妥籌辦理並將延祉官聲據實具奏○丙戌張百熙等奏京師大學堂爲學術人才根本關係至重考究宜詳自上年奉 旨開辦以來疊經酌擬章程仰邀 欽定惟各省蒙小學堂甫創設咨送至學既無真正合格學生兼以近來人心浮動好爲空論往往有跡弛之士從前未經科學艱苦粗習譯書妄騰異說弊由於未入學堂之故而惡習所染深慮及於在堂肄業之生今日因乏才而謀興學因興學而防流弊操縱之間倍難措手必須有精審畫一之課本完全無缺之章程方能合中人以上之才而陶鑄之上年因編輯課本事恐歧誤曾經臣百熙於開辦學堂局摺內聲明與湖廣督臣張之洞商定會辦之法嗣該督疏陳湖北學堂章程其中足補臣百熙奏進章程所不及者當卽一律照改奏明在案學堂爲當今第一要務張之洞爲當今第一通曉學務之人

湖北所辦學堂頗有成效此中利弊閱歷最深臣等顧念時艱究心學務竊願今日多一分考求卽將來學術人才多一分裨益雖在前因電往還商榷多次近日該督展覲入都臣等復請其來堂考察各項科學該督指示竅要竟日不倦教習生徒罔深悅服臣等猶恐該督或以事非專責容有稍存謙抑言之不盡之處聞商約諸政均有旨飭該督商辦學堂尤政務中之大端所關更重伏懇天恩特派該督會同商辦京師大學堂事宜一切章程詳加釐定嗣後有應行修改之處由臣等隨時咨行該督會商具奏實於整飭條規維持教育大有補助上諭張百熙等奏請添派重臣會商學務一摺京師大學堂爲學術人心根本關係重要著卽派張之洞會同張百熙榮慶將現辦大學堂章程一切事宜再行切實商訂並將各省學堂章程一律釐定詳悉具奏務期推行無弊造就通才俾朝廷收得人之效是爲至要○丁亥上詣覺生寺祈雨○貴廣西候補道魏瀚四品卿銜會辦福建船政大臣○諭軍機大臣等有人奏參河南布政使延祉貪劣營私各款請飭嚴查懲辦一摺前已有旨著錫良確查該藩司官聲如何據實具奏仍著該督將此次指參各款併入前案確切查明迅卽覆奏毋稍徇隱原摺著鈔給閱看將此諭令知之○諭軍機大臣等有人奏江西興國縣知縣陳宏鑾才力庸懦任聽刑幕指使命盜重案含糊審斷請旨飭查等語著柯逢時按照所參各節確切查明具奏毋稍徇隱原片著鈔給閱看將此諭令

知之○戊子爾○貽穀等奏綏遠城八旗牧廠前經調任將軍信格奏明擴充墾務欽奉 諭旨隨時會

商奴才貽穀辦理當因牧廠地界與土默特尚有轉轍未便率行開放經奴才貽穀委員會同綏遠城土

默特各員前往履勘擬俟統行清丈後按照道光二十三年奏案將八旗應得地數劃歸綏遠城分別開

墾留牧餘地劃出另行墾放業經陳明在案伏查乾隆三年由土默特地內 恩賞綏遠城駐防官兵牧

廠原係南北寬二百里東西長三百里旋於是年七月間仍在大清山溝另指十處作為牧廠八旗兩翼

各分四至中間空地照舊歸土默特其牧廠界內土默特蒙古亦准寄居先係隨同水草公共游牧後於

乾隆二十八年經將軍蘊著奏明在牧廠界外拜衡郭爾山前另斷土默特游牧地而綏遠城泥於從前

公共之支不免攙越遂有道光二十三年互爭游牧之案將軍奕興歸化城副都統成凱先後具奏奉

旨舊仍賞給土默特其八旗馬廠仍循舊界以杜爭端等因欽此然判別於馬廠之外者游牧雖已各分

而錯處於馬廠之中者地段依然相接雜居日久耦俱無猜廠地漸就混同土默特亦未嘗考其界劃至

去年奉 旨擴充墾務土默特參領等始以牧廠內當有該旗應得之地赴奴才貽穀處呈請分別辦理

奴才等調閱兩處地圖界址里數均多不合詳加詢問而綏遠城土默特官員皆不能確指其應分地段

奴才等遂於七月間會委各員前往查勘因地方遼闊一時未能丈量各委員就查勘所及證以綏遠城

地圖用按里合頃之法核計共三萬二千餘頃照道光二十三年奏案八旗馬廠除已放地畝外尚有草地二萬餘頃之語迥不相符奴才等以非統行丈量終難憑信惟時值秋冬之際天寒地凍人力難施本年二月間揀派總丈委員分赴八旗兩翼馬廠認真逐加勘丈現雖未一律丈竣而就各處冊報其地數較前案實有增多奴才等傳同綏遠城協佐領公同商酌擬照前奏將綏遠城牧廠除已放糧地不計外應得草地二萬零一百四十一頃十畝劃清其餘地畝仍劃還土默特該員等均無異詞此奴才等查明綏遠城牧廠與土默特應行各濟地界之實在情形也至牧廠之地乾隆六十年嘉慶十一年十四年因辦滿城養育兵及孀婦孤女養贖錢糧先後三次奏放共計七千三百餘頃由歸化廠按年徵租現在統爲糧地此外放荒地間有私墾尙不甚多迭次出示招報迄今報者寥寥奴才貽穀飭令委員到地時一面丈量一面清查除糧地外無論已墾未墾一律滿丈按照定例以二百四十弓爲一畝俟統行丈完後先劃足綏遠城二萬一百四十一頃十畝之數分別租牧詳察牧廠各地以正藍旗兩翼土性爲最正白鑲藍兩旗次之正黃鑲黃正紅三旗又次之鑲白鑲紅兩旗山多地劣可耕之地較少現擬照信格原奏略加變通除去山河道路村鎮及僅宜牧而不宜耕者留作牧地餘均儘數開放以三分計之約計應分地畝不過二分上下與原奏不甚相懸該處廠地尙無旗員地商串通私賣私租等弊與察哈爾左右翼

情形不同應收押荒卽照他處稍增民戶亦當願領惟地畝既分等項荒價亦應有區別庶上地不致賤放次地不至滯銷參酌戶部奏疏擬爲變通上地每畝收押荒銀四錢中地三錢下地二錢先行試辦招墾如有窒礙仍由奴才等隨時妥議奏明所收荒價以四成留作辦墾經費以六成爲建立學堂改練新操等項之需至部章押荒雖列等差地租則統歸一律查向辦開墾王公報効馬廠章程每畝徵官租銀一分四釐另徵私租銀四釐而綏遠城前放成案則係每畝徵官租銀二分一釐五毫奴才等竊見承種糧地各戶因欠租報逃者不少博訪輿論新墾廠地若仍照二分一釐五毫徵收民力實有未逮與其後來避租逃墾使地畝仍舊荒蕪何如賦則從寬使民戶易於輸納且口外放地每畝多按三百六十弓而廠地則向按二百四十弓廣袤既殊租入尤應量爲體恤擬仍照各處開放馬廠部章每畝徵銀一分四釐遇開每畝加徵銀三分每徵銀一兩加耗銀五分既非王公報効馬廠卽毋庸另徵私租其升科年限分別已墾未墾已墾之地於收繳押荒次年升科未墾之地於繳納押荒後試墾三年再行升科並解升科租銀應需傾鎔火耗解費每畝加收銀二釐一毫以示限制核計現定租銀專就牧廠而言比舊額似形減少若以東西各墾通盤籌算各墾之定一分八釐租者其地則以三百六十弓爲一畝牧廠之定一分四釐租者其地則以二百四十弓爲一畝不能不因其舊並不能不酌其平奴才貽穀維持全局之心

實在於此頃在口外添設廳治分割地界尙未奏定此項定租應歸何衙門徵收俟隨後詳加體察再由奴才等會同山西巡撫臣崑奏下戶部議奏○庚寅諭增祺等奏會勘要工應修情形一摺 永陵明堂前草倉河留岸並蘇子河石坡工程緊要著欽天監於本年六七月內選擇吉期行知增祺等遵照敬謹核實興修餘著照所議辦理該衙門知道○諭丁振鐸等電奏克復臨安府城擒獲匪首等語此次匪徒脅佔箇舊廠並竄據城池經臬司劉春霖統率各軍節節掃蕩先後收復右屏州及臨安府城將匪首周逆等擒獲正法辦理尙爲迅速丁振鐸林紹年著加恩開復處分劉春霖著賞給頭品頂戴其餘在事出力員弁俟奏報到日再行降旨著即將著後事宜妥爲籌辦以靖邊疆○癸巳諭前據御史高枏奏參翰林院修撰吳同儼銜營招搖各款當經諭令裕德孫家莊確查茲據查明覆奏尙無招搖確據仍著隨時察看嚴加訓誡如有行止不端玷辱清班情事著卽據實奏參毋稍徇隱○乙未 上諭 大高殿報謝○予故編修俞鴻慶列入國史孝友傳○楊兆黎奏近年增設通商口岸洋商教士來者尤衆紛紛購置地畝或造市廛或建教堂購置之時祇與地主訂價議定報官並有不報官而私相授受者試言其弊約有三端地雖有主而勢居形勝建造洋房於地方大局有礙輿情未協致起齟齬一也民基以契爲憑兵燹以後地荒無主者居多狡黠之徒立私契以愚外人執此契而指彼地影射爲奸不可究詰二也口岸

一經通商地價驟昂奸民輒假名洋人以賤值預購多地輾轉相售藉以漁利遇有轉轉特洋人爲護符欺壓平民官辦棘手三也三端之中以奸民假名洋人爲尤甚臣愚以爲爭之於事後徒費筆舌而所損已多何若慎之於事先預定章程而俾知所守應請 飭下外務部行文各省督撫轉飭府廳州縣凡洋人於通商口岸或內地指購地畝先由售主稟報地方官呈驗契單並令洋人書據載明該地作爲何用官爲查勘實非形勝之區勢無窒礙方准購置彙報督撫並知照該國領事官一體立案交付地價之時嚴禁吏胥從中需索以恤民隱洋人購地作用如與書據不符無關緊要者准其營造仍報明更正如有大妨礙由地方官申報上司行文領事官駁止倘查勘之際疑係假冒卽由地方官移問該管領事洋人是否屬實察知其僞立將奸民從重懲治以杜澆風於交涉不無裨益下外務部知之○丙申諭岑春煊電奏查明廣西匪勢災情請將司道各員分別懲處並整頓團保精選州縣各等語廣西賊蹤蔓延災區甚廣該地方大吏毫無布置實堪痛恨已革道員黃仁濟粉飾欺蒙上下解體已革總兵申道發縱勇虐民貽害尤甚均著發往軍臺効力贖罪布政使湯壽銘吏治廢弛按察使希賢前著藩司賄賂公行均著卽行革職巡撫王之春辦理軍務諸多蒙蔽提督蘇元春養癰成患貽誤地方均著一併革職該督督務將團保一切事宜嚴飭各府州縣認真辦理以清亂源至委署各缺著准其不拘資格暫行酌量變通

總期有裨地方俾吏治日臻起色用副朝廷綏靖邊疆之至意○以夏時晉江西巡撫○以柯逢時爲廣西巡撫胡湘林爲廣西布政使劉心源爲廣西按察使○以馬金敘爲貴州安義鎮總兵○袁世凱奏前准軍機大臣字寄光緒二十七年七月十三日奉 上諭各省制兵積弊甚深耗餉頗鉅亟宜嚴行整頓汰弱留強著各直省督撫悉心規畫核實釐剔所有各省原有之綠營裁去十之二三騰出餉需報部候撥等因欽此 臣於是年十月間到任因查直隸制兵歷年抽撥裁減額設所去已多且彼時天津地面尙未收回該處鎮協各營弁兵均未歸任應領餉幫司庫亦未撥放與完習省分情形不同尙難遽議裁減請俟洋兵全退再行妥籌議辦於是年十二月間奏明在案現在收回天津已將一戰事局大定本省常備軍練成一鎮需餉甚鉅籌撥爲難本應將綠營制兵全裁騰作新軍額餉惟念直省幅員遼闊兵變以後伏莽尤多巡警尙未設齊彈壓須資兵力科布多年例換防兵丁又須按期派往自應權衡緩急分別裁留查直隸制兵現計實存馬步守各兵二萬六千餘名無閑之年應支餉米乾折等銀四十三萬餘兩內除守護 陵寢之馬蘭泰寧二鎮內外標各營外委兵丁又妙高峯汛有看守 醇賢親王園寢之黃河防營兵平時修工臨汛搶險均關重要未能遽裁應仍發給全餉容再妥籌辦法並各捕盜營內四路驛業經就餉改練巡警其張獨多三驛及熱河承德府能否仿照改練另行辦理外其餘督標提標通

永天津正定大名宣化五鎮並分防各營馬步守兵一萬六千餘名照向章應支餉米乾折七八成實銀二十四萬餘兩小建按日核扣遇閏之年應分別冬春夏秋及大小建加銀一萬六千餘兩不等詳加查核天津鎮左右城守三營萬沽一營通永鎮並通州協山水協各左右二營北塘一營以上共十一營當庚子之變紛紛逃避豈容再令入伍應餉自應悉數裁撤此亦督標提標正定大名宣化三鎮並分防各營及津通兩鎮所轄各外汛應請就現在兵數各裁一半卽於本年六月以前一律裁齊每年各節省一十四萬餘兩查制兵餉項前於二十七年前督臣李鴻章因亂後司庫匱乏奏明減半支放此次裁節之款應按全數核算其餘裁存之兵嗣後卽發半餉又可節省銀五萬餘兩統計節省銀二十萬兩左右遇閏之年又加節省銀一萬六千餘兩儘數撥充常備軍額餉之用惟本年所裁各兵上半年連閏已發折半銀三萬五千餘兩實可撥用銀十七萬餘兩其自來年起卽照節省全數撥用一轉移間騰出餉有之餉以贍新練之軍期副朝廷汰弱留強修明武備之至意下部知之○丁酉以劉光才爲廣西提督實從周爲山西大同鎮總兵○以李岷琛爲江西布政使寶榮爲湖北按察使沈瑜慶爲湖南按察使○己亥諭前據御史李鴻章奏參安徽六安州知州陳先觀諱盜縱役各款當經諭令嚴緝稟確查茲據查明覆奏該員被參各節或係傳聞之誤或無確切證據惟縱容家丁串同捕役需索擾民並輕聽董事

之旨將汪春山刑逼斃命種種荒謬實屬昏愎草率六安州知州陳先覲著卽行革職五品銜四川補用知縣寶立鼎卽改調陳將屬工陳學唐謀斃復敢捏報盜案希圖掩飾著革職勒拿歸案審辦餘著照所議辦理該部知道○庚子頒給陝西岐山縣周臣召曉關匾額○癸卯諭軍機大臣等有人奏奉天蓋平縣向產生絲照章設局徵收稅釐候補防禦錦芝等加抽稅釐報解寥寥侵吞入己該省向有斗秤捐委鳳麟誠加倍抽收並串同司事羅永煥抽及各項雜捐等語著增祺派員密查分別禁革並將所參各款確切查明據實具奏毋稍徇隱原摺著鈔給閱看將此諭令知之○諭趙爾巽奏特參統帶各員請有懲處等語湖南記名提督翼長發需案營官統費游擊劉定陞私相餽送操練巡防均難得力翼長發著革職永不敘用劉定陞著革職以肅軍紀該部知道○乙巳予故大學士李鴻章於直隸建祠○魏光燾等奏查道光二十八年督臣李星沅撫臣吳文鎔奏請將贛州府分防通判移駐觀音閣地方兼轄龍南縣之大龍新興太平三堡信豐縣之楊溪鎮南步口四戈四堡並築城以爲之衝自是以來頗形安輯臣等伏維江西險要率在贛仰觀音閣地居極邊爲省南門戶明王守仁之平三洞吳百朋之滅三巢當卽其地城在龍南縣之西東距縣治五十五里東北距信豐縣治三百里而遙其兼轄信豐縣之楊溪等四堡縱約三十里橫約四十餘里龍南之大龍等三堡縱約百十里橫約百六十里計所轄縱橫約一百數

十里由西而南與廣東之南雄始興河源連和平等州縣接壤自六十里至九十里不等形勢表延山谷叢雜民貧俗悍執械橫行近年又時有粵東會匪攔入互相煽誘出沒無常劫掠成風此拿彼竄以致強者流爲盜賊弱者無以爲生區區一隅幾同化外縣治幅員太廣防範難周通判雖有聽斷緝捕之責而命盜重案仍須坐縣審辦事權不屬呼應不靈敷衍因循治理益壞教養兼失隱患實深自應因地制宜以期安良除暴飭提該縣道親詣周巡等處復詳加考察擬請將觀音閣通判改爲虔南廳撫民通判卽以原轄龍南縣屬大龍鎮三堡信豐縣屬楊溪等四堡之地撥歸管理以專責成所有刑名命盜搶竊案件統歸該通判審辦參緝由贛州府審轉七堡原有田地山塘應徵正雜錢糧各款令龍南信豐二縣額徵銀數造冊報撥歸該通判催徵由府考核該通判本係要缺今改設廳治仍定爲繁疲難兼三要缺由外揀員升調移龍南縣教諭一員以爲學官不設訓導卽於龍南縣減文章進額八名信豐縣減進額四名撥歸廳學至信豐縣原設楊溪堡巡檢本爲兼轄境內應改隸該通判統轄又移贛州府照磨於廳治兼管監獄舊城東西相距四十丈南北僅十餘丈略加修葺資防守應設壇廟秩祀及衙門監獄酌量改造所有巡防邊界彈壓地方守護倉庫監獄緝拿命盜案犯酌撥防營駐劄並令開墾荒地以興利源多設學堂以開風氣編爲保甲以重詰奸所費無多而於地方實大有裨益據司道會詳請奏前來

臣等往返函商意見相同可否仰懇 天恩俯准飭部核覆如蒙 俞允臣等卽遵照妥籌辦理其餘未盡事宜容再體察情形隨時具奏請 旨下部議奏○丙午諭軍機大臣等有人奏山東濰縣知縣袁相與委員曾培出示催捐勒勒商民騷擾地方並曾培前署濰縣藉教堂賠款攤派分肥請飭查辦等語著周馥按照所指各節確切查明倘有勒捐擾民及藉案分肥情弊卽行從嚴參辦勿稍徇隱原摺著鈔給閱看將此諭令知之○曹鴻勳電致外務部據中路統領徐印川呈報中路後營張紫雲派進駐粵之巴定場於五月初十日會同巴定土州莫泌攻克龍蟠場匪巢搜剿南丹附近匪寨二十八日進紮雍里連日與匪接戰傷斃游匪無算初六日直逼南丹州督同中營哨弁李裕泰右營哨弁唐玉春會合廣西團練莫鴻猷分路進剿相持轟擊約一時之久匪勢不支相率奔潰遂將南丹土州收復并擒獲匪首張兆發等乞代奏 上諭曹鴻勳奏克復廣西南丹土州情形等語出力員弁准其擇尤保獎○庚戌 上諭 覺生寺祈雨○諭軍機大臣等岑春煊電奏稱廣西需械甚急上海製造局尙存新毛瑟鎗千餘桿請飭每桿配足子彈一千顆儘數迅解並添撥九響毛瑟子彈一百萬顆快鎗二三千桿配齊子彈等語著魏光燾迅速酌量籌撥毋稍遲延○辛亥諭前有旨派鍾靈辦理西流水墾荒事務著改派開缺直隸布政使廷杰前往會同增祺辦理○諭丁振鐸等奏審明營員燒斃多命一案分別定擬請旨一摺雲南

已革游擊田南亭身爲管帶輕騎營圍攻馬敵祠燒斃其民多命復敢捏報邀功實屬罪無可逭田南亭著卽行正法已革開化府知府蹇念咸事前既不詳查虛實又復任聽捏報荒謬糊塗亦難辭咎蹇念咸著發往軍臺効力贖罪餘著照所議辦理該部知道○壬子諭軍機大臣等岑春煊電奏請調湖北武建八營助剿月餉由廣西支發等語著端方迅飭該營拔隊馳往歸岑春煊調遣

東華續錄

光緒一百八十一

臣朱壽朋敬編

臣章圭琛恭校

六月癸丑朔以潘萬才爲貴州提督○袁世凱奏

附奏募練新軍籌撥餉

項片內聲明俟訓練數月後即將應裁各營分別遣撤以所裁之餉移歸新軍支放奉 旨著照所請該

部知道欽此欽遵在案查直隸淮練各軍於光緒二十四年經前督 臣裕祿分別裁併酌改營制餉章均

歸一律計馬步礮隊淮軍二十營又歸入淮餉案內支銷武衛前軍三十營七哨水師礮船五十二號練

軍三十八營迨二十六年拳匪之亂有添招者有改併者計前督 臣李鴻章任內淮練及新招各軍一百

二十餘營水師礮船五十號節經陸續裁併自 臣蒞任以後實存淮軍四十二營九哨一百騎又山西調

回武衛前軍六營八棚改爲淮軍先鋒隊水師礮船五十號練軍三十一營一隊其督署衛隊餉局護勇

尙不在內值此時艱款絀自應嚴行整頓汰弱留強以紓餉力但直境自經兵燹伏莽繁多人心浮動亦

未可操之太急應酌量緩急依次辦理計自上年以來節次裁併尙存淮軍四十一營八哨二小隊水師

礮船四十二號練軍二十四營三哨三小隊內淮軍統按每營裁二哨以三哨爲一營練軍駐防熱河古

北口庫倫等處十營因防務緊要未能裁改外其餘十四營統裁二成計准餉項下原銀一百五十餘萬兩現存五十一營八哨二小隊水師礮船四十二號計每年共需銀一百萬兩連裁節雜支等項約可勻撥銀五十餘萬兩練餉項下歸防練餉支發者現因津郡暨各海口聯軍尚未全退巡緝彈壓關繫重要所有巡練各營祇可分別變通整飭未便遽議裁撤其歸練餉局發餉者馬步二十二營二隊原撥銀一百十三萬兩共銀約八十萬兩撥歸常備軍餉需惟此項裁節之款必須各省協餉一律解足始可照數勻撥倘稍有短欠卽難挹注軍食攸關不得不另行請款以資接濟至現存各營容臣隨時體察地方情形再行陸續裁汰妥籌辦理下所司知之○甲寅以徐邦傑爲淮陽鎮總兵○崇善奏查案准部咨新定償款福建省每歲攤解銀八十萬兩並飭試辦各捐如期匯解等因當於光緒二十七年十二月間經前督臣許應駁奏明設立濟用局遵照戶部奏咨通行勸辦隨糧房間錢戶等捐以濟要需卽經體察民力商情議定隨糧一項每地丁銀一錢糧米一斗各收捐錢四十文卽於納糧票內加蓋戳記註明收錢若干加火耗平餘等字樣並不另給捐單以杜需索又房間捐一項凡城鄉市鎮鋪屋及省城寓所核計全年租價收取十分之一由業戶認捐由租戶於應交房租內按數扣繳發給地方官印票爲據其餘民居房屋概不收取又鋪戶捐一項係御史瑞瑤奏經戶部議行核其辦法視鋪戶成本多寡貿易盛衰酌定

捐數惟是坐賈捐輸當飭各屬勸諭貿易鋪戶各行誠實事以行認捐以值百抽三爲則因商力拮据亦應酌量減收不加即勒土產紙木魚酒分別認捐亦皆隸於坐賈其餘米穀新疏手藝小販量予免捐以恤民艱至以廣膏捐鹽課以徵爲禁現雖舉辦收數無多且新案價款八十萬加以號商隨從辦捐經費共需銀八十四萬餘俱應隨正開支綜計光緒二十八年分徵收各捐銀四十八萬餘兩不敷三十六萬兩有奇雖將閩海關藥釐醫司道庫款騰挪濟急而各該款皆關解放京餉兵餉要需現尙無從籌補爲數既鉅爲日孔長深慮難以爲繼惟望各省常洋各關增收關稅結定總數以後核准減攤價款三四成或可勉期無誤據福建濟用局司道造冊詳請奏咨前來奴才覆核無異下部知之○乙卯恩壽奏蘇省留防太湖水師巡警七營分設長龍舳板原因巡緝盜匪駐護局卡之用第查舳板船身寬大在於洪流大澤之中運揮行駛較靈於緝捕自能得力若於河流汊港水面狹窄處所實不及飛划之迅捷靈便邇來鹽梟充斥該島所駕半是小船出沒無常來去飄忽水師長龍舳板一遇匪船駛入汊港因船隻笨拙追捕不及往往致匪遠颺不徒勞而無功亦殊有失軍勢伏查前升任撫臣鹿傳霖曾議添練飛划右營當經奏奉 諭旨允准在案嗣以餉項無從籌備事即中止方今庫款支絀異常既不克多添營勇而舊匪日漸膨脹何可任其鼠竄亟宜於原有巡防水師變通盡利使大小船隻相輔而行互爲維繫藉

收因地利宜因時利導之效奴才詳加考察擬將留防巡警中營改用飛划卽名爲飛划右營所有該營內長龍一號仍留爲管帶座船毋庸更改其原有舳板二十三號悉數裁撤改作飛划三十六號舳板八號應配勇數悉照飛划右營章程核明訂定以歸一律約計以中營之餉抵制每月尙不敷銀五百三十兩容擬卽在軍需項下動支其造船經費卽將舊有之船變價作抵如有不敷另行設法籌補務期撙節下部知之○丁巳諭岑春煊電奏廣東南澳鎮總兵潘瀛縱勇擾民卽署柳慶鎮記名總兵唐生玉屢次失利且多騷擾干總潘繼周句通土匪無惡不作等語潘瀛唐生玉均著革職發往軍臺効力贖罪潘繼周著卽在軍前正法以肅軍律○以薩鎮冰爲廣東南澳鎮總兵○岑春煊電致外務部廣西東蘭州於本年閏五月初一日被匪窺陷卽經調署右江鎮總兵黃忠立率營往援隨即據報於初九日將東蘭州收復乞代奏 上諭岑春煊電奏悉東蘭州現已克復辦理尙爲迅速黃忠立及出力人員均著查明保獎○馬亮奏伊犁自承平後士風謏陋師道寢微滿營辦事人員通曉滿漢蒙回文義者固不乏人然兼通俄國語言文字熟習交涉事務者究難其選現設義學所教子弟亦徒粗知滿漢文義未能會通中外文學若不開通風氣培養才能誠恐繼起無人邊運旗僕近接俄鄰平時既未備通才臨事更何資肆應上年索倫營領隊大臣志銳於會辦司牙牧時曾與俄參議官潘特索福商擬派生出洋肄業雖據覆文

照辦旋因前任將軍長庚交卸尚未奏請舉行奴才到任後察度諮詢愈以肄業洋學開設學堂事可並行勢難再緩當飭滿漢營務處妥議舉辦茲據酌擬章程呈覆前來奴才查核所擬十條尙能仰體欽定蒙學堂章程意旨並於因地因時制宜辦法可以次第推行所議學生出洋擬於距伊犁一千八百里之阿拉穆圖地方俄國學堂肄業取其就近易於詢察學無上進者隨時調回另派不致廢歇曠時其洋學以十人更番往返以三年爲卒業本地學堂挑選滿蒙子弟四十人入堂肄業定以四年爲期按班挑選除學堂房屋由滿蒙各營自行捐建外初辦之年購買書籍興辦器具出洋川資約估需銀二千數百兩額支束修膏火獎賞等項經費概開之年約估需銀七千五百餘兩奴才詳加酌核所定各款亦屬力從撙節惟現值庫款支絀請款爲難就地設籌惟有牧廠孳生羊隻變價一欸尙可動用以之開支此項經費尙屬有盈無絀如蒙旨允准擬俟奉旨後卽於滿蒙官員及投効人役內擇其品學兼優者充各項教習並請旨卽派索倫領隊大臣志銳兼充總理學堂事務其副理各員卽由滿漢官員內擇其通文敏事者分任其事堂名卽擬額曰養正以示蒙學之義一切章程均照所擬十條核實辦理數年之後於伊犁辦理中外交涉事宜冀可先收實效如將來諸生有志上進願赴京外學堂以及各國游學者准其隨時呈明奏請咨送俾諸生勉加上乘之功得備匡時之選以仰副朝廷培養人才之意於萬

一得 旨如所請行○戊午諭軍機大臣等本日御史張元奇奏各省學堂宜嚴選師範又奏本科進士入堂肄業可否酌爲變通各摺片著張之洞會同管學大臣妥議具奏○諭軍機大臣等都察院代遞旗女琴格以大員擅殺無辜呈訴冤抑據情代奏一摺著袁世凱派員密查此案確情據實覆奏原摺著鈔給閱看將此諭令知之○諭前據翰林院侍講學士楊捷三御史楊士燮先後奏參河南布政使延祉懇加權賦激成重案當經諭令錫良前往確查茲據查覆該藩司借籌餉爲名輕改舊章辦理操切幾釀大患延祉著開缺另候簡用署懷慶府知府傅標等既據查明各案情節辦理尙無不合均著免其置議○調李岷琛爲湖北布政使以楊士驥爲江西布政使調寶棻爲直隸按察使以岑春煒爲湖北按察使○己未 慈禧端佑康頤昭豫莊誠壽恭欽獻崇熙皇太后 皇上御仁壽殿日本國使臣內田康哉帶領海軍少將瓜生外吉等覲見○以紹昌爲外務部左丞雷補同爲外務部右參議○以瑞良爲河南布政使○諭工部奏正陽門等門城垣樓座情形請飭修葺一摺此項工程著仍派袁世凱陳璣切實勘修俟正陽門修竣後所餘之款卽行分別輕重陸續修理○諭前據御史周樹模奏參蘇元春各款當經諭令岑春煒確查茲據查明電奏已革鳳西提督蘇元春縱兵殃民缺額扣餉實屬辜恩負國蘇元春著拿交刑部治罪○辛酉兩○壬戌調楊士驥爲直隸布政使周浩爲江西布政使○予考取經濟特科之一等

袁嘉穀等九名二等鴻臚等十八名升敘有差○長順奏拳匪肇禍仇視教民各省幾出一轍而東三省正值邊疆大啟凡地方羣民無不假冒拳匪乘機滋擾吉林雖於初發之際首除奸慝力遏亂萌而各屬之勢堂教民被匪焚燬被害者仍屬不能盡免光緒二十七年法國主教藍祿業到吉林交到天主教堂教民焚燬房屋搶失財物及被戕人數各項清單計被焚房屋五百一十餘間被害男女三十五名財產不列細數該主教聲明財產賠款為數過鉅姑以吉林遏亂較早保全教民實多僅索賠款撫恤銀三十四萬五千餘兩以全交誼等語並牽及官紳多名開單送請奏辦被害教民亦須獲犯抵償以相要挾奴才等當派寶古塔副都統慶祿吉林分巡道文韞副都統銜花翎協領富麟等與之開議該主教初則堅執前言牢不可破繼則雖允略減為數殊微嗣因歷時過久並准外務部咨催奴才等復與親面辯論一面仍飭該員等反覆開陳悉心議辦曉以修好之義告以籌款之難推宕十數月竊思幾十次逐漸減讓始允以市錢五十四萬吊作為全省天主教案賠恤之款以近日銀價核計正與前次案賠銀數僅得一半言明通省教堂教民各案一併包括在內另有業經指控六案俟查明確據再行照例懲辦又與訂明從前陸續備給市錢八萬九千七百吊即由此款扣除再於合同簽押之日先交十四萬餘吊其餘自二十九年止分作三次交清以紓財力所擬善後各條歷經奴才等飭向該主教再四酌定

刪繁就簡總期彼此各得其平庶免後患遂於二十八年九月十八日將合同畫押蓋印此吉林全省天主教案賠恤各款現經議結之情形也先是法主教商議款項時耶穌教士均已陸續到吉絕口不言賠恤迨天主教賠款議後據英教士勞且理交出通省施醫院並耶穌教堂教民焚燬拆毀房間失去銀錢及被害人數各項清單計被焚燬房屋共四百零八間被害教民九名遺失錢六萬餘吊寶銀四錠財產不列細數奴才等復派吉林道文韞協領富蔭等與之開議據該教士聲稱此次來議賠款專為受教人所損房產等物索賠銀十二萬兩所有殺害教民匪徒寬其既往等語經該員再四磋商四月之久始將賠款逐漸議至市錢二十七萬吊以近日銀價核計不及銀九萬兩作為全省耶穌教案賠恤之款所有各處教民焚去院屋財物一律包括在內於合同簽押之日先交錢一半其餘一半於次年冬月交清訂合同八條較為和平業於二十八年十二月十八日將合同畫押蓋印此續經議結吉林全省耶穌教案賠恤各款現經議結之情形也以吉省目下情形而論兵燹之後公私竭蹶商民交困實無此財力可以應付然兩教原索之款為數甚鉅磋商核減始及此數亦非奴才等初念所及所有先交錢文暫由司局設法挪墊俟籌有的款再行奏明辦理以便作正開銷下外務部知之○甲子諭軍機大臣等人奏奉天錦縣紳士齊鴻聲交結知縣門丁勾通匪類迭釀重案該縣知縣何厚琦庸懦糊塗受其挾制等語

籌增祺玉懷確切查明據實奏參毋稍徇隱原片著鈔給閱看將此諭令知之○乙丑 慈禧端佑康頤昭豫莊誠壽恭欽獻崇熙皇太后 皇上御仁壽殿義國使臣喀爾納納帶領水師提督彌勒貝六親見○

丙寅 上詣 大高殿報謝○還頤和園○以蔣雲龍爲浙江處州鎮總兵○命博迪蘇載振在御前大

臣上行走○諭御前乾清門侍衛各員入則侍班出則警蹕應如何嚴肅整齊豈容任意玩誤嗣後當差各員著御前大臣認真整飭務當遵照定制一律嚴整如有怠惰情事該大臣卽行據實參奏毋稍瞻徇

○丁卯諭本日據禮親王世鐸等奏請加上 慈禧端佑康頤昭豫莊誠壽恭欽獻崇熙皇太后徽號一

摺朕欽奉 慈旨自來每逢慶典雖有加上徽號之文惟現在時事艱難疆圉未盡綏謐廣西尙在用兵

各省籌款方殷民生困苦深宮宵旰憂勤從無暇逸憺懷民瘼時切疚心豈宜更晉徽稱乖於夙志皇帝

以恪遵 成憲再三跪請亦難俯從但願君臣一德同懷克艱之義實心實政治理蒸蒸日上安卽所

以盡皇帝之孝所有加上徽號典禮著毋庸議欽此朕竭誠跪懇未蒙 慈允 垂訓周詳益微 聖德

朕亦不敢有違用特宣示天下臣民當無不同心欽感也○己巳林紹年奏剿辦周匪各軍屢次獲勝收

復石屏會剿臨城各情形迭經 先後奏報並隨時電陳在案續據總統各軍按察使劉春霖電稱我軍

既克西莊扼要紮斷城賊犄角之勢復乘勝攻奪附城賊壘周匪屢遭悍剿出城衝突均經各軍擊退

並鎗斃悍目吳汝魁匪眾膽裂退竄入城緊閉四門不敢出戰馬桂楊國銘楊永壽等均相繼由石屏趨至會合各軍兜圍聲威益振臨城孤危梯汲斷絕勢在垂危而匪黨倚恃城垣高峻未易仰攻兼以元江廣西寧州等處先有死黨前往勾結土匪猶復抵死拒守以待援應劉春霖先經飛飭各該地方營團嚴密剿捕仍飭新任臨安建水府縣前往西莊一帶各村寨勸諭安撫曉諭反側預防搖動其普雄官廳等隘暨江外土司各要路派兵層層堵紮以杜內外竄突一面部署各軍以劉樹元督攻東北省防各營屬之以白金柱督攻東南蒙防各營屬之楊國銘楊兆吉等圍攻西門而屬之以馬桂及補用知府王廣虞試用同知劉樹械統歸調度此外謝鳳生魏榮斌王正雅莊德炳楊嘉紳等各率所部往來策應士卒更番迭進匪眾疲不能支務派丁勇婦孺登陴協守日惟燃礮轟擊並以火藥拋擲延燒近城房屋火光燭天各軍奮不顧身進逼城根爭先肉薄楊國銘楊永壽等冒險直前九屬銳厲二十七日黎明白金柱督令黃鳳圖馬文星連國相等率眾潛進一鼓緣登卒爲匪黨礮石所阻未能得手二十八九等日劉樹督飭劉人儉謝有功陳天貴史鶴齡王爾棟等營挑選精銳前番躍亦復屢登屢墜各軍憤極攻撲愈猛鎗礮之聲不絕於耳又各開挖地道備辦雲梯期迅拔匪眾震懼有緇城竊遁者均爲我軍截獲據供城中悍目疊經陣斃除郭六先已逃匿在外其餘存者無多我軍攻堅過久亦屢有損折兼多觸暑病

歿積骸狼藉劉春霖懸立重賞慷慨激勵士氣自僉初三夜大雨如注我軍乘勢奮起雲梯百道一時並進城中哭聲動天賊亦奪氣王正雅田慶傑楊嘉紳等欲開東門迎降陳大貴莊德炳等與新任府縣一齊擁入城外各營仍尉尉圍布以防逃遁該逆周雲祥正率眾突竄旋被擒並獲悍目鄒營湯學文盟桂懷尚沁和蕭復興等五人驗明確係正身立予斬誅人心大快臨安府城遂於是夜克復初四日劉春霖整隊入城安輯拊循發款賑卹難民並備塞巷焚香跪迎懽聲雷動當即派營分門扼紮並遣兵四出搜剔伏莽以靖餘氛等語旋復疊據元江通海河西等州縣電稱悍目郭六竄伏建水縣屬之老黑山既聞周逆正法率眾潛山觀音山僻徑於初六夜攻撲通海當經署通海縣知縣請補路南州知州彭繼志督率兵團擊退派隊跟蹤追剿該匪奔匿河西縣屬之七寨河復繞出入大河灣石窩鋪等處於十三日經通海河西兵團圍拿並其黨廖厚松王玉階等一律擒斬又元江之余松甘曉雲等亦皆燒香抽血糾合黨類竊欲助先後經各該處兵團拿獲究辦隨即將脅從解散等語臣等伏查周逆借仇洋阻路爲名陰逞其叛逆之志非特愚頑被其煽惑卽紳富亦從而附和甚且助械輸資揭竿一呼所在應響自餘抗拒捕起事未及旬日連陷臨安石屏賊黨不下萬餘人及進窺通海四出勾結如阿迷蠻戕殺河西江川寧州彌勒廣西元江各處土匪蜂起警報紛傳勢等燎原幾難收拾臣等奏派劉春霖統率各軍節節

進剿隨要扼防至大兵齊集合圍該逆猶敢作困獸之鬬擲城死拒莫倖外援可謂窮兇極惡當其肇亂之始鳴張尤甚非謝鳳生陳天貴等屢捷於中和鋪先聲不振未易挫其兇鋒非各營乘勝連克曲江館驛則險要屬賊負隅益固非劉樹元督營力戰杜賊繞竄則我軍腹背受敵大局幾為所搖非白金柱由後路掃盪直前諸軍無從聯絡而兵力不厚非楊國銘楊兆吉等由石屏分兵長驅迅擣進克西莊賊巢則無以扼其吭而斷其臂今幸仰仗 天威將士用命卒克殲除巨寇收復堅城羽黨亦以次誅夷底定邊疆上紓 宸廑不致遠勞鄰援實非意料所及所有出力之按察使劉春霖等懇 恩從優獎勵以昭激勸得 旨著照所請該部知道○庚午諭軍機大臣等有人奏廣西賭餉貽害地方請飭速行停止並嚴禁番攤花會等語著岑春煊丁體常查明情形即行禁革○甲戌袁世凱奏直隸新案鹽斤加價前經臣分案奏請援案飭商隨引包繳豫岸每年包繳銀二十四萬兩直岸每年包繳銀四十四萬兩以裨要需旋經戶部議覆直岸加價比照豫岸加價辦法暫按額引八成包繳以歸畫一並將直隸兩岸加價錢文另按市價核實折銀如數完納均即奏明辦理等因當即轉行遵照茲據長蘆鹽運使汪瑞高詳稱直岸各商以亂後苦累仍請按照原稟包繳該司以直隸雖分兩岸同隸蘆綱驗飭直隸各省通力合作妥議具覆茲據通綱直隸各商楊成源等稟稱查豫商前按銷引八成每年包繳加價銀二十四萬兩竊已

不遺餘力無可增加直商前接銷引三十五萬道核計每年包繳加價銀四十四萬兩亦係勉力籌維豈知今春津市枯竭周轉維艱春運無多生機已絕乃更有出於意料之外者直境自春至夏天時亢旱硝鹽暢旺官引停銷雖春運不能及時而民間不虞淡食其銷滯私多概可想見所有前票包繳之數非特無力增加更恐不能繳足實緣長蘆各岸暢少滯多官價愈昂私販愈盛銷引愈滯不但虧額之課款無力包賠即隨引完交之價亦必因之減少彼時即予參追於事無濟是以各岸鹽價有酌量少加者有一文未加者實因減價敵私出於萬不得已況鹽店買銀於起初時先在錢鋪提用現銀後以賣進鹽價陸續歸補而錢鋪遂得厚奇挾價又兼虧平耗色隔費川資皆須核入錢盤之內比較市價所增甚多且領引時預將加價墊交及鹽包全數銷竣收回民價少則數月多則一二年歷本賠息爲數甚鉅若一文不加及酌量少加各引岸全歸商人包繳虧折更不待言此加價難以錢盤核計之實在情形也惟此項加價專爲償款而設關係重要不得不統計兼籌以期稍裨時艱擬請直隸兩岸商人通力合作無論銷引暢滯錢盤大小每年統共包繳銀七十萬兩均於領引時先接引交銀一兩二錢存儲運庫俟封關時如有不敷再由直隸衆商按領引數目均攤照數交足仍每年提出銀二十四萬兩撥歸豫省其餘銀六十四萬兩專備直省之用豫鹽加價既在運籌隨引包繳豫省抽收應請停止以免重複而復舊章等情該

司查此項加價出自民間買價之中誠如部議原應由官經徵按斤核錢以杜取巧然必所賣之鹽實能一律加價計斤核算分毫無缺方能照此辦理直隸兩岸向多硝私官運種滯非他省情形可比各商欲保引岸不得不虧本減價以冀相敵故歷來加價名爲加之於民實則豫岸可加之處不過十之六七直岸可加之處不過十之二三且皆酌量加增從未如數加足其短收之數向係由商認繳久成攤款從前加價一文每引交銀三錢加價二文每引交銀六錢均按實銷引數交未按額引包繳雖光緒二十三年豫岸加價每引六錢有照額認包之案而直岸加價仍係舊例辦理並未照額包繳均經戶部核准在案誠以兩案情形不同未能強歸一律此次加價四文每引包交銀一兩二錢核與歷屆成案相符直岸原額四十六萬九千餘道除永平七屬及天津口岸並懸引外其應加價之引實祇四十二萬二千餘道歷年實銷之數不過二十八萬道至多亦不過三十一萬餘道若照成案祇應包繳此數故該綱總等原稟有按三十萬引包繳之請該司因議及額引七成爲數太少合按三十五萬引包繳銀四十二萬餘兩復酌加銀一萬餘兩共包交銀四十四萬兩雖較豫岸包交之數爲少然按每引一兩二錢核計已逾額引八成之數並非不足七成任其虧短取巧豫岸額引十九萬三千餘道除懸引外實應領引十九萬二百餘道按八折核計實應銷行十五萬二千餘道每引包交銀一兩二錢共應包交銀十八萬二千餘

兩前因豫岸尚係完善之區所收加價既較直岸為多所銷引數亦較直岸為暢迥與直岸兵災以後元氣大傷者情形有別且二十三年每引包繳六錢本係按額引包繳亦未使先後兩歧當令按照額引十九萬二百餘道包繳價銀二十二萬餘兩復加增銀一萬餘兩共包繳銀二十四萬兩以上兩岸加價較之歷屆成案均屬加增當時該商等本不敢認包此數祇因價款攸關勉遵辦理茲據稟稱直岸市遭兵變繼以旱災官價愈昂私鹽愈盛銷引愈滯力難包賠即使參退無濟於事該司詳加體察均係實在情形請飭直豫兩岸商人通力合作無論銷數暢滯錢盤漲落每年統共包繳銀七十萬兩除提銀二十四萬兩撥作豫岸加價外其餘銀四十六萬兩專備直岸加價之用計較原包之數加銀二萬兩即照部議計斤加錢折銀合算直岸額引四十二萬二千餘道按實銷七成合引二十九萬五千道每包按五百五十斤應加制錢二千二百文共應加制錢六十四萬九千餘千照河南辦法按一千四百文合銀一兩共應繳銀四十六萬餘兩今包繳銀四十六萬正與比較相符詳請具奏前來臣覆加查核確係實情且較原包之數加銀二萬兩委屬不遺餘力此時商情艱窘運難再令加增相應仰懇 天恩俯准照辦辦理仍由臣督飭該司隨時察看情形一俟商力復元銷數暢旺與價可以多收再行酌加以裨價款得 旨如所請行○丁丑山東利津縣寶海莊黃河漫口○戊寅 萬壽聖節 上御仁壽殿受賀停止筵宴○

己卯 上奉 慈福端佑康頤昭豫莊誠壽恭欽獻崇熙皇太后由頤和園還南海○上詣 大高殿

壽皇殿拈香

秋七月癸未朔時享 太廟 上親詣行禮○上奉 慈福端佑康頤昭豫莊誠壽恭欽獻崇熙皇太后

幸頤和園駐蹕○甲申初逢時奏廣西地處邊陲實關南疆全局近年糜爛至此兵久無功殘賊生靈爲

害最酷臣自蒙 恩命昇之撫綏夙夜圖維不遑寢處竊計現署兩廣督臣岑春煊規畫宏遠又得提臣

馮子材親往督師不難尅日蕩平救民水火無俟臣臆總過慮惟以凡下之憤撫此殘破之區智慮難周

財力尤絀不得不先籌辦法上達 慈聽一兼募土兵廣西苗犴雜處民氣強蠻山易藏奸兵多通匪雖

平時地方安謐而數百人劫奪拒捕打單斂錢病人勒贖之事亦所不免戊戌鬱林之役苟且粗安患氣

日深一日左右江一帶已有匪巢竄踞險可以智取難以力爭近則頭目愈多黨羽愈衆潰兵散勇與

匪相合鎗礮快利氣焰愈熾防兵既不可恃不得不借助客兵惟客兵不通官語不識路徑利於攻戰不

能搜捕巢穴既靖宜拔根株今擬派熟悉情形員弁先行前往就地招募土兵不拘名數分布郡邑酌給

口糧以爲之備擇正紳爲管帶選牧令爲管束申明紀律激厲士氣兵既可用匪亦自除若明之王守仁

巡撫南贛時南中盜賊蜂起朝議發廣東湖廣兵合剿守仁上疏止之其討平廣西斷藤峽諸賊以肅

卒役屬諸書生掃積年逋寇此前事之可師者也一先剿後撫歷四數十年來幾於無歲無亂乃至無亂不洗剿村莊而亂益加甚近則議撫矣又迄無成效夫不能剿而遽撫適以張賊勢而懈軍心也今招募土兵令良民團結自衛該匪野無可掠大兵雲集窮威自歸而後准其招撫一邑不卽安插一邑一府不卽安插一府庶不至有受撫之名且不至有異時之禍譬如患癰不務盡去其毒則元氣益傷未有不潰者此自然之勢也一籌撥的款廣西素稱貧瘠每歲度支尙苦不給加以墊付邊餉籌備洋欸出入相衡虧短甚鉅師旅饑饉窘迫可知籌兵籌餉籌賑三者同時並舉何以支持萬一餉項不充匪勢披猖滇黔粵湘伏莽乘勢糾合一身不足惜如大局何惟是部庫空虛各省爲難情形大略相等軍興以後求助於鄰封者已竭忠盡歡而不可再卽如各省協濟邊餉三十六萬兩近年僅廣東尙解八萬湘鄂欠解累累皆由本省墊付以後能否如數協濟尙不可知而目前無論如何非鉅欸不能有濟擬請 敕下戶部指撥的款一百萬兩應時解赴以濟急需並請將每年奏派英俄法德洋債及匯豐等磅價二十二萬餘兩又新派償欸三十萬兩暫由戶部另行籌撥俟軍務平定摺注有資照常攤解又聞本年所借洋欸數鉅期迫當由本省出有印券以後如何歸還外人豈能減讓大要嗣後餉需總須借資粵東統籌接濟幸署督臣關懷大局宏濟艱難此則廣西軍民延頸跂踵以俟之者也一破格用人自古非常之功拔士

作相拔卒作將若盡拘資格遷就必多雖在完善之區已慮暗中腐敗廣西善後之策全在守令得人必
爲守兼擅文武兼資而後足以勝任所謂遠方州縣得一良令如得勝兵三千得一良守如得勝兵三萬
得一良疆吏如得勝兵三十萬誠重之也伏維 聖鑒洞燭幽隱乞 敕下部臣凡有補署三年內暫勿
拘於文法其文武員弁實有異常勞績者並准優予獎勵 惟有矢公矢慎爲地擇人如有偏私請治
罪以上數端 臣千慮之愚預籌補救至於交通盜利容俟抵粵隨時與署督臣咨商辦理以期仰慰 宸
慮得 旨所請撥款各卽著戶部議奏餘依議○柯逢時奏江西義寧新昌二州縣交界地方有黃岡山
據圖志言山高八十八丈斜二十七度東南有洞險要異常自明以來屢爲盜藪將山封禁垂三百年乾
隆間奏奉 諭旨山洞歲成新昌縣管理並移浚江口巡檢及銅鼓營額外委駐防其地其洞外民山
樁歸義甯管轄該山距銅鼓營七十里復嶺村樹林木齊密山周知及該營都司會派兵役按日巡查沿
爲成例 臣伏讀光緒二十五年疊奉 上諭通敕各省查勘荒地曉諭民間盡力墾種毋庸速定升科年
限等因欽此仰維 聖主軫念民依無微不至苟有山澤可興之利似不宜拘守舊章任其廢棄訪聞黃
岡山雖經封禁惟承平既久生齒日繁附近居民樵採在所不免迭經檄飭署銅鼓營同知吳春鏞親歷
山境勘得該山東西約二十里南北約十里山內舊有卡塘八所年久傾圮僅存基址合抱連圍之木不

下三千株其餘雜植不可勝數狼狽野豬之屬窟穴其中往往爲居民害其間澗水繁紆下通河道開
墾田地澆溉有資當飭先雇民夫開棘披荆開通道路一面傳集紳士妥議章程查估材木招商承買惟
運道不便所費較多並將該山分別丈量區爲三則民間有願承買者認定地段酌繳報効銀兩發給印
照以憑營業仍遵 恩旨暫緩升科俾之有利可圖庶幾羣情悅懽既無曠土亦免藏奸樹藝皆宜編氓
樂利如蒙 敕允卽發令該同知會紳實力經理務盡地力而益民生開辦經費卽由本價報効兩項內
動用將來核實報銷又該同知所駐之銅鼓營距義甯州一百四十里幅員寥廓控制良難擬俟開墾有
成酌改撫民廳治移營弁佐雜各員以資治理得 旨如所請行○乙酉諭端方電奏湖北學堂學生
王璟芳游學日本效忠守正請破格獎勵等語王璟芳加恩著賞給舉人准其一體會試以示獎勵該部
知道○戊子諭軍機大臣等有人奏山東福山縣知縣李舒鑾於該縣水災匿不稟報仍行勒捐並臚列
各款又代理知縣王用霖通同作惡商董唐榮浩相助爲虐請一併飭交查辦等語著周馥按照所參各
節確切查明據實覆奏毋稍徇隱原摺著鈔給閱看將此諭令知之○諭軍機大臣等有人奏熱河赤峯
縣知縣現署朝陽縣知縣繆桂榮袒護拳匪頭目喇嘛游成搶劫商民傷斃教民並在赤峯縣任內得賄
釋放馬賊等語著松壽按照所參各節確切查明據實覆奏毋稍徇隱原摺著鈔給閱看將此諭令知之

○己丑諭周馥奏山東自閏五月二十日以後連日大雨各河同時盛漲東平州費縣平陰東阿陽穀等州縣猝被水災衝塌房屋並有淹斃人口等事又福山縣煙臺一帶於六月初三日大雨山水下注海潮陡漲衝倒民房三千餘間淹斃人口一百五十餘名災情甚重小民蕩析離居深堪憫惻著該撫迅即查明災區分投賑撫毋任流離失所一面嚴飭堵合堤埝疏消積水以免久淹爲患毋稍遲緩○辛卯諭江蘇補用道鄭孝胥加恩著以四品京堂候補督辦廣西邊防事務准其專摺奏事○大學士崑岡因病乞休允之○岑春煊奏准軍機大臣字寄光緒二十九年四月十二日奉上諭駐藏幫辦大臣桂霖奏廣西游匪囂患日深散陳管見一摺現在岑春煊計將到任著將所陳各節體察情形奏明辦理原摺著鈔給閱看將此諭令知之欽此臣當將原奏詳加披讀如所稱粵匪羽翼日廣有會而匪者兵而匪者商而匪者官而匪者與黔江接壤各地幾於無人不匪曠日持久兵餉兩絀將有防剿俱窮之時國家無咸豐同治間財力亦無咸豐同治間人才若再潰裂四出天下事尚可問耶各節語語皆眞字字可痛其尤要者則以與諸將吏始與牧令吏始兩語爲目前下手之端惟是禍患之來匪一朝夕推厥原始由於營伍廢弛者半由於吏治廢弛者半營伍之咎實蘇元春一人尸之臣於查覆蘇元春被參摺內業已詳陳吏治之咎則前撫臣黃槐森實尸之而王之春亦不得不分任溯查黃槐森在任時吏事毫不考求用人

惟憑賄賂當 乘輿西幸之日海內驚動黃槐森尙復置酒演劇荒樂如恆此而不知更知何事由是牧

令中之賢者相率引去留者半多不肯以不肯牧令而虐民社小民遂不堪命矣黃槐森又好言祥瑞惡
聞盜賊州縣望風承意相率諱盜凡民間報劫或獲盜送官者必任吏役勒索規費種種刁難始肯收稟
及稟差後又縱其肆行騷擾賊未懲辦事主已先破家於是民皆相戒良善者甘受匪害不敢控官狡黠
者乃與匪通且求自保遂釀此遍地皆匪之現象迨王之春到任不知認真整飭吏治以清匪源一意主
撫但圖欺罔所任各守令聞虐民而不聞保民小民先被災荒繼遭匪害固已極矣各守令尙有藉辦團
爲名抽收團穀較正賦多至數倍者抽收撥充捐盈千累萬盡入私囊者吏治若此就使無蘇元春之養
匪庇匪民已將激而生變況有蘇軍壁壘爲匪之巢穴蘇軍鎗彈爲匪之軍儲也乎現在匪患日深除桂
平梧三屬外幾於無地不匪若不亟亟盡平誠慮如桂霖原奏所云曠日持久兵餉兩絀將有防剿俱窮
之時而熟察匪勢匪情則有兵來則民兵去仍匪兵已疲於奔命匪轉以逸待勞此民匪不分其難一鎗
枝彈藥可售諸匪而得財子女玉帛可藉剿匪而肆掠兵與匪狎兩利俱存雖號稱數十營實不得一兵
之用此兵匪不分其難二匪之窟穴必在深山箐密林深路尤險絕匪已習慣捷若猿猴客軍初來拙如
牛豕且方當夏時草木掩翳匪得所蔽反乘官軍此匪巢險固其難三疊嶂橫盤勛輒百里路徑叢雜不

易合圖此方進攻彼已他適此山路紛歧其難四有此四難若專以防剿委諸兵無論各營不足恃則足恃亦必不敷爲今之圖惟有一面趕辦賑恤俾饑民不至待從一面擇知兵愛民之牧令分任有匪州縣認真舉辦團保分別民匪俾閭閻多一良民卽地方少一匪黨並准有匪各州縣酌募壯丁山公欵動支餉項督同團練任防堵之責堅壁清野俾匪出無所掠復整頓水師嚴飭各路關卡認真巡緝以斷匪黨軍火接濟之路專以往來團剿夾擊之事實諸客軍先清出外搶掠各匪俟秋高木落再縱火焚山以覆匪巢現分柳州慶遠爲一路思恩南寧爲一路泗城百色爲一路龍州及沿邊爲一路各派營旗守任剿辦就目前情形而論則以柳慶思南兩路匪氣最甚其餘兩路次之自來東蘭各隘懷遠鎮相繼收復各路亦時報斬獲軍務似稍得機然州縣若不得人縱使各匪暫懾兵威仍不敢存實在肅清之望也伏念匪之起也非天特生一種爲匪之人也民不安其生舉全省之民皆可化而爲匪匪之平也不能悉舉凡爲匪者盡坑之也匪有業可執舉全省之匪皆可化而爲民民匪消長之樞機實視吏治爲進退廣西之亂既由吏治敗壞而生則廣西之治必賴吏治澄清始可擬懇 天恩明降 諭旨嚴戒廣西官吏嗣後如仍有罔恤民瘼貪婪酷虐者卽行展辦 編音一布則中材以下皆可勉爲循良不待微臣執法相繩而專亂已將有身 上諭岑春煊奏查明廣西匪擾情形一摺廣西游士各匪蔓延滋擾皆由營伍

廢池吏治因循歷任巡撫漫無覺察以致釀成禍患現在地方廢爛民困日深全在文武官吏加意拊循力除蠹賊嗣後如有罔恤民瘼貪婪殘酷者著岑春煊柯逢時卽行據實嚴參從重懲辦務使吏治澄清並將營伍力加整頓除暴安良以靖地方○壬辰以郎桂林爲河南河北鎮總兵○翁曾桂奏紹興府屬上虞縣境濱江負海地居新嵎下游與會稽縣屬之曹娥鎮對峙中界曹江素稱澤國其西北沿海向建石塘西南沿江向築土塘民捐民辦歷有年所袤延百數十里之村莊田廬全恃土石二塘資爲保障光緒二十五年夏間蛟水爲害南岸一帶土塘決口七處沿塘村莊先當其衝毗連之會稽餘姚二縣皆爲波及其時搶險堵禦官紳籌辦義賑自計維持力圖補救而綱繆未兩終鮮善策嗣據紳董員外郎職銜潘炳南等建議請將南岸受潮頂衝險要之後郭一遺等壩呂鎮東西花弓等處改築石塘並於江潮頂衝處所各建石盤頭一座以資捍衛估計需銀七萬餘兩合作洋十萬餘元經官紳分別籌捐並因工程重大必須官督民辦方能集事飭委候補知府現補甯波府知府喻兆蕃駐工督辦收支款項均由紳董承管經始於光緒二十六年二月告成於二十七年正月據報統共建築石塘一千一百四十一丈又添造護塘坦水九百六十丈共用工料洋十萬四千六百五十九元零由司飭委候補知府尹良赴工逐段勘驗均係如法造做工堅料實歟不虛糜所有該塘善後事宜併歸虞西四十八村水利紳董經營仍歸

民捐民辦以便隨時修補傳專責成並聲明捐資出力員紳應照例請獎以昭激勵由署布政使崔永安核明具詳請奏前來臣查紹興府屬上虞縣境沿江塘堤爲數邑田廬保障前年水災之後塘出險工紳董員外郎職銜潘炳南等創議改建石塘盤頭計工長一千一百四十一丈坦水九百六十丈大工告成之後發水數次賴以抵禦居民感頌同聲在事各員紳時閱兩年之久或慨捐鉅款好義急公或購料鳩工不辭勞瘁洵屬功在地方自應擇尤酌獎以示鼓勵允之○內中 上奉 慈禧端佑康頤昭豫莊誠壽恭欽獻崇熙皇太后由頤和園退南海○丁酉 上詣 奉先殿 壽皇殿行禮○諭軍機大臣等有人奏川藏危急請簡員督辦川邊因邊爲屯因商開礦等語著錫良查看情形妥籌具奏○魏光燾奏前署督臣張之洞具奏訂購長江淺水新式快船籌議辦法欽奉 硃批著魏光燾覆核妥辦欽此伏查南洋派海臨江口岸林立巡防彈壓非有兵輪不足以資鎮懾張之洞因南洋原有兵輪多機老鋼薄式舊行遲蛟船一項又短笨滿滯不適於用分別裁停節存新費另購新式淺水快船以資分巡而壯觀瞻復向山西兩洋船廠多方考較又以日本川崎船廠開價較廉遂與該洋廠分別訂議詳加考核所籌辦法實於江防餉需兩有裨益惟事關訂購軍艦考究不厭精詳當飭籌防局司道將原訂合同清單督同熟讀製船之員逐細查核其中有聲明增改各節及應添備各件會同日本駐滬商務總辦及日本川崎廠

委員詳加商定於合同及清單內逐一添載分繕漢英文合同各三份署名蓋印各執爲據應提局廠存
款一百萬兩原奏係兌換金磅存放上海匯豐等銀行因磅價漲落不時故從無存磅生息如欲存磅必
高據磅價倘磅價低落仍須將款退還當以存磅既不合算自應變通存銀每屆付期購金兌給隨市作
價可免高據之虧飭據籌防局派員將所集各款先後交存匯豐原議存一年者以四釐計息不足一年
者以三釐五毫計息且按年計息每年祇作十箇月付息今與該銀行商定照十二箇月行息按月五釐
亦較原議增多惟須一年屆期方能提用是以訂定時應兌第一期船價先由籌防局墊付俟存款一年
期滿再行提取歸墊以後應付船價亦即照此辦理於籌防之款毫無出入於購船存款可多獲息銀實
於公款有裨茲據該局詳請核辦前來除按照合同無訛再行照辦續造三船並咨外務部戶部兵部工
部查照外理合恭摺覆陳下部知之○張人駿奏蘆漢幹路現在插標勘地北岸已至廟工南岸將至楚
澤橋工局設於廣武壩前將來建造鐵橋卽由此跨河而過以通南北軌道臣聞五月間出省勘工順道
由榮澤北渡周覽形勢復按地圖竊思建造長橋或不能無意外之虞管見所及實不勝懸懸過慮敬爲
我皇上詳陳之一河身沙鬆土疏立根不牢可慮也查黃河性濁每一丈水有六尺泥大汛漲發中洪
深至四五丈者其下稀淤浮沙殆不止倍蓰此外淺水漫灘尤爲淤多水少廣武壩左近雖岸堅灘窄然

平時試築長橋倘有愈湍愈深之患若建長橋則以十數丈之鋼柱必須如樁如比互峙河心在急流則激水之怒盤渦穿底蟄陷頓仍在淺灘則分水之勢逐漸挂淤停滯易殲即使鐵釘實已著地而水橋橋阻久之全河工程通受其病矣一地勢南高北下拖溜旁趨可慮也查黃河向稱難治勞賜以下如河決陽武河決原武見於記載者屢矣南岸勞渴以上尚有羣山過東北岸濟原以下僅恃一縷長堤明臣潘季馴有言黃河防禦爲難而中州爲尤難故當日治河專主以堤束水之說水合則流迅流迅則勢猛勢猛則新沙不停舊沙盡刷而河亦愈深是則增培堤岸此外並無上策而建橋則數千年無間焉平時隔岸漲一灘嘴築一挑壩對岸卽生奇險若層層橋柱豈惟灘嘴挑壩而已勢必至於流緩沙停別尋去路而謂北岸卑薄之堤其力足以抵禦乎夫既不能順其就下之性又誰能禁其氾濫而四潰也設或河一改道則橋亦焉所用哉一黃沁交匯頂托倒溜可慮也查北岸沁河本樂店口入黃鐵橋猶在沁之下游黃之去路不暢則上游來源無所宣洩於是黃漲則牽掣沁河沁漲則奪入黃河夾勢併歸衛河循運而下其入海之道不於慶雲卽於天津矣九時衛輝路總管董文用有言沁高於衛輝浮圖若引之使來豈惟無術將無大名長蘆矣以古證今理有固然將來直豫東三省交界數府州之地浸成澤國財賦民生何堪設想況當度支奇窘欲堵口則後患仍在欲築堤則鉅款難籌夫建橋必欲成功此比公司所計及

也至於橋成而河受其病此比公司所不及計也斷不可不熟籌者也一凌汛暴漲水能漫橋可慮也黃河四汛以凌汛爲最喫重亦惟凌汛爲最難防也前官山東諭知光緒二十四年利津縣之魁家灘二十六年瀕州張肖堂家均以凌汛搶救不及丈餘高之堤潰登時漫溢且聞四十五等年齊東禹城冰凌積高幾與城埒鐵橋之高離水幾不過數丈凌汛開爲層層銅柱擋住愈積愈厚堆垛如山水爲所激必至漫橋而行四出潰溢北岸則武陟原武等屬受其害南岸折而東趨考城開封等屬亦受其害姑無論輪路衝刷火車不能開駛卽兩岸機房車站市廛碼頭亦皆化爲烏有而小民蕩析之災恐有不可勝言者矣以上數條工成卽慮舉動大局工不成卽慮擲巨款當此時艱欸絀總宜計出萬全昔人有在河陽之城建造浮橋咸賴其力者若能仿而行之或多造渡船則北端南端幹路縱不能一氣聯接中間易車而舟亦無甚耽延之處且於帑項尙能節省不至臨事束手事關數省利害反覆討論不厭詳求臣兼管河務於公家事既有所見雖受代在卽未敢緘默不言相應請 旨飭下外務部暨張之洞袁世凱盛宣懷等通盤籌畫務將直隸東豫三省之關係黃沁衛運四水之情形切實考求認真履勘究竟有無窒礙詳細核議會同奏明辦理臣無任悚惕屏營之至得 旨著袁世凱張之洞盛宣懷妥議具奏○戊戌諭現在振興商務應行設立商部衙門商部尙書著載振補授伍廷芳著補授商部左侍郎陳璧著補授商部

右侍郎所有應辦一切事宜著該部尙書等妥議具奏○潘效蘇奏新疆地曠人稀設省之始改設新設各府州縣類皆因陋就簡粗具規模上年前撫臣饒應祺以設省二十年來人民蕃庶政事殷繁各州縣轄境過寬遇事時有鞭長莫及之慮察酌情形議請升改增設府州縣各缺以資治理奏奉 諭旨飭由政務處會同各部臣議准照辦行令將未盡事宜隨時奏咨於光緒二十八年九月二十九日具奏奉旨依議欽此欽遵在案奉准部文適臣接任撫篆當卽飭司委員分途前往會同各地方官將應行劃分界限戶口錢糧妥爲勘勘一面陸續擴員委署籌辦一切容俟冊報至日再行分別奏咨在案惟其中有應行移設改隸之州縣原奏未能周備亟應陳明更正者二處一爲莎葉分設之縣原奏設縣治於莎車府屬之坡期坎莊而以葉城縣屬之一切蘇等莊隸之爲澤普縣查坡期坎莊西離莎車府城九十里東離葉城縣城亦九十里中間村落相望設縣似嫌太密惟葉城迤東之咽瑪地方距葉城縣城二百二十里中隔戈壁百餘里前因離縣較遠民間完納折色糧銀諸多未便且迤咽瑪再東各莊及迤南山內各莊至縣更遠前定章程在咽瑪地方設糧徵收凡連莊之完折色者均赴咽瑪投櫃屆時葉城縣親往監收尙不爲難惟民間詞訟赴城太遠仍多不便現若增設縣治不特撫字催科清理訟獄較爲便利且該處東離和闐州治三百餘里地在適中聲勢亦甚聯絡擬卽以原請分設之澤普縣移設咽瑪於農商各

務盡志經營自當日有起色該處爲古皮山國地應名曰皮山縣劃向來在該處投櫃完糧之各莊悉隸皮山而以原奏所分莎車府屬之坡期坎莊改隸葉城錢糧戶口不甚懸殊此移設縣治之有裨治理者也一爲瑪喇巴什屬改設之巴楚州原奏謂與疏勒時有爭界爭水之事歸疏勒府管轄庶無畛域之分等語查瑪喇巴什與疏勒爭水爭界之處在瑪屬之鐵里木善莊地祇一隅若論水利較大地畝極廣則在與莎車府葉城縣接界之麥蓋堤等莊蓋瑪喇巴什向隸葉爾羌自設官分治始以莎屬麥蓋堤等莊分隸瑪喇巴什向與莎葉各莊俱用聽雜拉布河水該莊在河下游蓋因莎葉上游各莊壅荒甚多該莊時患缺水疊次控訟委員查勘封禁上游壅地以顧該莊之水又澤普勒河亦踞莎葉上游經由莎屬之頭臺以達二臺入瑪喇巴什屬境下至瑪屬三四五六七等臺均地高水低難資灌溉且五臺水勢較大每屆夏秋上游水漲必至決堤爲患論者皆以該屬不得是河之利均受是河之害而每歲必由莎葉幫工修堤前經屢議由莎葉境內開渠以達瑪屬境內不僅開荒可獲大利且免水患於無形卒以莎葉民情不願屢阻不行擬請以改設之巴楚州改隸莎車府屬請求水利開墾荒田官無畛域之分民獲波及之福利益實溥勢更順便此改隸州治之有裨治理者也據藩臬兩司具詳請公前來臣等任和闕屢經其地於兩處情形均確有所見當此創辦之初自宜因地變通期垂久遠除批司如擬分飭遵照辦理

外合無仰懇 飭下部臣分別更正立案以裨治理下部知之○己亥 上詣 奉先殿 壽皇殿行禮

○袁世凱奏安州之新安鄉白洋淀爲瀦龍河尾閘當 國初卽汪洋浩淼原屬無地可耕嗣因水勢無定屢涸屢淹乾隆三十七年六月欽奉 高宗純皇帝諭曰淀泊利在寬深其旁間有淤地水小時偶然涸出水至則當讓之於水方足以暢蕩漾而資澍蓄等因欽此遵經封禁在案同治年間該淀地逐漸淤出奸徒覬覦爭競不一而足州民楊連山赴京妄控累年始結光緒八年鎮國公溥泰因蒙認旗地身罹重譴宗人府以此處係鄭親王府園地備文行查飭據該州查得確係河淤並非旗地據情咨覆惟查淀邊之地現在日益淤高竟成膏腴滄海黎不勝黎辦不勝辦若仍照舊封禁不特坐失自然之利且恐轉成爲厲之階自可因時制宜改歸官辦當經飭據農務局會同藩司委員查勘明確瀦龍河尾閘現已改爲西流計淀淤成地五十餘頃均可播種且於河道無礙酌擬招佃承種仍不准佃戶在淀邊修築土壩以暢河流並將地租酌分四等上地每畝收預租銀八兩上中地六兩中地四兩下地二兩祇收一次卽准永遠爲業以後仍徵收小租本年小租暫照預租十成之一呈繳嗣後卽照一成之一於秋後赴州完納並歸本地土著領地每戶至多不得逾一頃之數不准富家包攬亦不准外境之人攪雜混領致啟弊端應請領地存根執照由州刊刷蓋印註明花名畝數租數交給收執其租銀由州會同委員認真徵收

解交農務局詳請具奏前來。查此項淤地禁民墾種原恐民間與水爭地有礙河流今河道既改向西趨而淤地又皆成沃壤若不酌量變通任民自相侵軼似禁非禁不官不私殊非因利惠民之道查近來熱河圍場均已一律開墾直境邊界且特簡墾務大臣總持其事仰見朝廷軫念民依期於阡陌廣開馴致富庶白洋淀淤尤屬內地良田等語荒蕪不治良為可惜相應請旨俯准弛禁招民佃種並照所擬等則收租以濟公用得旨如所請行○庚子諭軍機大臣等有人奏州縣苛斂殃民索賄激鬧請飭查辦一摺著崇馨按照所參各節確查具奏毋稍徇隱原摺鈔給閱看將此諭令知之○以沈瑜慶為順天府府尹○以陳名侃為外務部右丞汪大燮為外務部左參議○辛丑以龐鴻書為湖南按察使○癸卯以新設商部吏定各衙門值日次序○陳瑞泰山川入藏萬里而遙自打箭爐出歷以抵江卡悉屬川省土司地面喇嘛雜處其間蠻觸構兵不時蠢動兼之遠依達賴近附瞻番串結勾通莫窮其變上年桑披三巖草窩番夷滋亂瞻對乘機而起經前督臣鹿傳霖大張撻伐地方賴以乂安詎夷情犬羊終難馴伏瘡痍甫愈又復逞其強梁近來夷務叢滋均經隨時辦結幸未遠勞師旅乃有夷塘所轄吳寺山川督據派無品級之堪布品初朗吉初尙安分近極兇橫因與土司四郎占光朱洛吉村等爭權肇衅瞻對欲廢置土司管轄夷民動輒主使撤站以圖挾制光緒二十八年冬間前署督臣岑春煊委曹銘前往查

辦未結今春又委打箭鑪廳同知劉廷恕復往查辦不期品初朗吉反撥無常抗不安設臺站經前署督臣飭將該堪布撤換斥逐另選堪布昂翁滾噶接充品初朗吉輒於本年三月十六日帶領奸僧竊負輜重竄踞瞻對所屬阿壩等處勾結番夷不下千人將其擁送回寺號召無賴喇嘛數百人蟻聚蜂屯附和滋事並以襄寺地勢極險負隅自固文武員弁前往彈壓抗拒不服脅迫土番撤站聲稱必欲奪盡襄塘地土滅去土司獻於達賴不服漢官管轄惟該逆獨專權利一面計圖大舉撲攻文武衙署焚毀漢民房屋實屬形同叛逆以致附近番夷聞風思逞道途梗塞遐邇驚惶該處文武員弁立調土兵扼要守禦幸地方未遭蹂躪馳報劉廷恕電稟請兵剿辦伏思上年瞻番滋衅其勢洶洶幾於不可收拾大煩兵力始克燼平今品初朗吉聚眾搗竿其心叵測而瞻番又爲所惑一星之火勢將燎原辦理稍涉疏虞貽患曷堪設想熟思審處以求計出萬全因知劉廷恕久習邊情夙諳兵事迭經馳電密授機宜飭帶官兵於五月初一日親自由鑪出關星夜馳抵襄塘品初朗吉仍復不遵開導蔑視兵威施放鎗礮阻官軍安營幸劉廷恕久於戎行謀而後戰偵探襄寺表延三里許寺壘重疊高起五層圍牆安設柵門垛口鎖眼陵空排列圍之不易攻之甚難因將兵勇分爲五起一紮麻里堆以扼其吭一紮小喇嘛寺後山以臨其腦一紮前街大路要口以防衝突一紮襄寺外四門以杜竄逸一紮大喇嘛寺山頂以作建瓴之勢又派游

兵一隊分途策應以絕外援仍射示諭入寺解散從以孤其勢該逆每日率眾出巢爭佔麻里堆要隘
猛向官軍接仗鎗林礮雨肉薄相接陣亡官兵張錫福練勇楊應武楊華庭三名劉廷恕忠憤填胸身臨
前敵親執桴鼓督隊抵禦殺夷匪喇嘛數十名賊勢甫衰退回裏寺閉柵堅守誓眾環攻圍牆鎗子亂
下兵勇受傷甚多不稍退縮奮勇奪其西柵欄房直搗大招輪流攻擊晝夜不停十五日攻破大招僧俗
奔突而我軍分頭招致給投誠免死牌立將附和黨羽解散其眾惟該逆與固結死黨百餘人鏖戰不
休相持又一晝夜賊斃匪多名該逆勢孤與其兄傳號逆匪洛桑朗吉相率偕逃立即一併生擒陣斬
以徇餘匪棄械伏地求貸一死當即分交正副土司押候訊明發落率隊攻入各寺掃清餘孽隨傳諭昂
翁滾噶即接辦堪布事務以除歷來烏悍之風籌永遠善後之策發給薪牌條規禁約僧俗兩不相轄臺
站照舊安設邊陲一律肅清是役也以兇逆之堪布結瞻屬之番夷抗踞蠻荒要區不啻如虎生翼乃劉
廷恕帶兵剿辦攻戰三晝夜即能直搗巢窟除匪黨而元惡大怒同時授首洵足以彰天討而快人
心在事出力人員不無微勞足錄擬懇擇尤獎勵以昭激勵得旨如所請行○甲辰諭軍機大臣等有
人奏錦州協領繩昌錦縣知縣何厚琦信任門丁勒捐商人等語著增祺查明具奏毋稍徇隱原片著鈔
給閱看將此諭令知之○乙巳諭增陞阿等奏哲布尊丹巴呼圖克圖本命年向達賴喇嘛班禪額爾德

呢等祈禱公文請旨由軍機處轉遞一摺哲布尊丹巴呼圖克圖光緒三十一年三十七歲過本命年因年歲切實向達賴喇嘛等祈禱實屬瑞事加恩由伊向達賴喇嘛等祈禱公文即交軍機處著照陸阿順便轉行藏外其達賴喇嘛班禪額爾德呢往返咨行哲布尊丹巴呼圖克圖公文著依舊例等仍照前轉遞軍機處○長順奏奴才等前因東三省鐵路俄已修竣意欲展修省城至長春枝路以接幹路奏請專歸中國自行興修以保利權於光緒二十八年六月初七日專摺密陳奉 硃批外務部議奏欽此嗣經外務部奏覆吉林省城至長春一段鐵路應籌款自築此段工費約計需銀二百數十萬兩應請 飭下戶部先籌的款八十萬兩為之基礎不敷之數即由吉林將軍就地籌集或招集華商股分等因又經戶部奏覆此款先據外務部咨商經戶部片覆在案今外務部奏請戶部先撥的款與部議辦法先後次第稍有未符應請 飭下吉林將軍仍查照戶部前議將本省自籌之八十萬兩集有成數並招商股之一百萬兩辦有端緒即行奏咨報部臣部再將籌備銀八十萬兩撥給該省等因先後奉 旨依議欽此各鈔奏咨行前來覆查此段路工本係俄欲展修屢來商榷奴才等因原訂東省鐵路合同並未議及於此始而駁阻繼而不得已以緩辦應之一面兩商督辦鐵路大臣設法籌集華股專歸中國自修嗣因該大臣久未見覆該鐵路公司屢來催詢於是始有請 旨飭籌自修之奏迨奴才長順赴哈爾濱與俄戶

部尙書維德會晤談及枝路一事窺其意在必修旋據俄代辦達活爾由哈爾濱來省面催定約其時未奉部覆於是又有由電請旨飭催議覆之奏旋奉外務部覆電枝路議歸自辦等因以此專告俄代辦達活爾而達活爾復日來辯說另致奴才等一函極言此路歸華另辦之難歸公司接辦之易內具五說頗中肯綮奴才等見其詞決情迫勢難再緩因先擬草約十六條抱定枝路與幹路不同出以相示意謂彼如就範則不致盡失利權彼如駁回則我亦有詞覆絕詎知達活爾見此草約既未降心相從亦不甘心退讓日以歸公司接修便利之言來相絮聒奴才等堅詞駁辯反覆磋商彼始帶草約復返哈爾濱而去此則議接修枝路之原委及未奉部覆以前疊次與俄商辦之情形也今外務部議覆由戶部撥的款八十萬兩不敷之款就地籌集戶部又議令先將不敷之款籌有端緒再行照數撥款無論吉林邊荒初闢民非富庶兵燹後更形凋敝無此鉅款可籌卽云籌集華人商股則該路有利無利尙難操券恐無人以有用之錢委之不可知之數此等工程夫豈不名一錢所可措手且奴才等當日奏請將此枝路專歸自修意在借枝路之權以分幹路之利今我力既有未逮而俄意在所必爭我如執定自修勢必集商股既集商股雖保不賸入洋款此非同正太鐵路可以借外債爲之者俄人之藉端阻難自在意計中可慮一修路物料惟山有木可以取資而鐵軌機器必須購諸內地此等笨重之物車運固難運諸鐵道彼必

多方挾制可慮三路既自辦必須速成我戈以財力之微而曠日持久彼必以遷延之故而越俎代謀爾時坐廢半途前功盡棄可慮三省城雖商賈輻輳並非通衢自三省鐵路工竣而東北兩路貨車悉趨長春不復迂道至省設枝路成後獲利無多或竟無利可取則一時之鉅帑虛擲而遞年之賠累難堪此尤可慮者四是以奴才等於既奉部文以後復將此項工程細加考查再三審度覺俄員所言以歸公司接修爲利似非相欺現據達爾將帶回合同與總副監工覈定各繕華俄文復行寄省專待彼此簽押奴才等覈其字句稍有更易而大致相同當與商明簽押後仍須請 旨定奪謹將合同十六條敬繕清單恭呈 御覽並請 飭下外務部覈覆施行得 旨外務部議奏單併發○丁未貽穀奏奴才於閏五月二十七日馳抵包頭鎮時伊克昭盟所屬如烏審郡王鄂托克扎薩等旗經疊次文札嚴諭並遴派曉事之員商及格限喇嘛人等絡繹往說始各遣員到包聽候商辦開墾奴才當聚集詳商示之利益仍一面分飭該各王公等躬親赴調期於面宣 朝廷德意以免隔閡而釋猜嫌現在達拉特旗貝子圖們巴雅爾扎薩克旗輔國公銜頭等台吉沙克都爾扎布均卽遵調前來晤商一切觀其抒誠効順已瞭然於辦墾之果爲蒙旗當羣情觀望之餘幾窮於操縱之術乃奴才此行尙有此一二藩臣趨來就見亦以見蒙情雖玩終懷 天威自應結其歡心以勸來者當將該貝子等委令襄理西墾藉資得力而其未來之

扎薩克等或以疾辭或以事告雖不無託故飾詞之意惟以各有派出之員持文報地是所望於該旗者已得彼扎薩克等即未能一一親來固不必深求以示寬大查伊克昭盟七旗現惟盟長杭錦旗前雖呈報杭蓋地段未經指交近爲烏盟所唆微露反覆已嚴札飭遵並派員仍往守候交收不得不徐觀其後其餘六旗若達拉特議允準開渠囑爾指報河北地段業經前次陳明他如烏審現報之地東西三四百里南北七八十里扎薩克現報之地東西百餘里南北一百四五十里計該旗轄地已報有十之六七至於鄂托克一於兩段中認開一處一於來文中並報兩地計長均百里以外寬約二三十里四五十里不等以上先後報墾各地全屬河套但使杭錦仍遵前議不至始終異轍則伊盟所屬一例可開現已分委各員前往驗收惟思各旗土地廣漠無垠延袤千有餘里距邊遠近既有不同而土性肥磽亦復各異執一例必扞格之多虞並舉兼籌更難長之莫及上年奴才到管與升任山西巡撫臣岑春煊會籌辦理西墾情形會議及從烏拉特旗入手今烏盟尚未就緒擬先儘達旗指報河北各地併力經營該處附依大海全資水利度地開渠向爲民蒙商戶之所爭而即此次辦墾之先務奴才業經派員分赴纏金後套周歷查勘擇稍易爲力之處先行試辦一面籌集官商資本備款招工一面酌定租則招徠民佃俟辦有端緒卽行奏聞此達旗之宜首先開辦者也其他各旗則須由近及遠次準囑爾旗次郡王旗又次扎薩

克烏審鄂托克等旗相距遙遠不盡爲晉邊之所及惟有相時度勢各就民蒙土地之宜依次分別辦理以期漸進有功報聞○庚戌諭軍機大臣等春滿電奏稱阿爾泰山交還科城一案遵有派令領隊大臣圖瓦強阿前往督飭辦理交割事宜茲據該領隊兩稱有科城委員溥湧等因詐索科屬科薩克總管不遂將該總管鎖押卡倫侍衛處旋經哈衆搶去彼此戰鬪互相受傷該委員等專差持文到城借調礮械意欲復仇經章京拒絕風聞猶有在科城調兵之說等情著瑞洵迅卽馳往哈巴河阿爾泰山一帶將安輯交收事宜妥爲辦理並彈壓科屬哈衆總管等各安游牧毋庸滋事委員溥湧等詐索情事並著瑞洵查明參辦毋稍迴護